

列
朝
詩
集

列朝詩集

甲集第九

張司丞羽翮居集五七言今體詩一百首

尋春

朝來微雨罷何處可尋春
冰散池容動烟銷柳意新
穿林聽鶯遠度陌問花頻
但覺相逢處情親似故人

尋梅

策杖度林塘幽尋犯曉霜
臨池疑掩映傍竹畏遮藏
欵曲敲僧舍徘徊繞苑牆
好攜三弄陌樹底爲催粧

早春旅懷

遠客歸未得東風冷尚嚴
燒痕山頂禿春色柳眉尖
病久醫方熟貧深酒債添
浮生欲何以朝暮爲蘼鹽

寄王隱君止仲次高季迪韻

春江念久違獨掩雨中扉
新水添漁網初晴稅鴈衣
饌餘憐笋嫩酒熟惜花稀
在客偏相憶韶光去若飛

遊虎丘

春入翠微深春風吹客襟相携木上座來禮石朝
音老樹積古色薄雲生
畫陰林僧修茗供默坐契禪心

杜宇

國亡知幾代啼血轉聲頻爾自無歸處何須苦勸
人煙深青嶂曉花落故
城春任是心如鐵聞時亦愴神

夏夜舟中

盡舫暮來過風傳子夜歌簾絞涼更淨荷氣夕偏
多落月斜竿柱流螢拂
扇羅此中無限意其奈曙鐘何

涼夜

金氣已呈秋新涼入夢幽闌人砧欲動侍女扇將
收玉露清瑤簾銀河繞
畫樓更憐今夜月隱隱樹西頭

江晚旅懷

短長亭下景引睇入吟哦疎樹立寒色短煙行夕
波山空秋氣老江遠客
愁多忽動匡廬興白雲生薛蘿

秋夜旅懷

命與時相厄，勞生空瘦形。苦吟詩有債，久病藥無靈。
露夜雨和愁落，鄉山入夢青。歸心逐孤雁，飛過浙江亭。

池上

秋水轉庭柯，臨池晚興多。禽閑棲缺岸，魚戲動涼波。
露浥將衰柳，風欹欲敗荷。雖無江海思，咫尺得頻過。

約徐隱君幼文同隱吳興

吳興好山水，子我盍遷居。繞郭羣峯列，迴波一鏡如。
蠶餘卽宜稼，樵罷亦堪漁。結屋雲林下，殘年共讀書。

耕樵軒題寄徐良夫

之子住銅坑，人傳好事名。如何同尹子，飄遣昧平生。
野岸風中釣，湖田雨後耕。秋天漸涼冷，或可赴前盟。

送呂道士

石室無人住，歸心似鶴輕。山君驅虎去，童子報丹成。
玉竇憑龍守，芝田借雨耕。懷君明月夜，遙聽步虛聲。

寄吳有本

相思不可見夢裏却逢君
兩地共明月一方空碧雲
江秋鴻背侶山夜鶴離羣
記得湖邊寺詩題醉後分

孫景翔幽居

厭踏軟紅塵閑居江上村
養魚寬鑿沼愛竹別移門
月色侵書幌山光入酒樽
我慚行役擾猶未下田園

送劉仲鼎歸杭州

欲別又牽衣傷心欲舊稀
自憐爲客久不忍送君歸
遠岫明殘雪空江淡落暉
東風重回首一雁背人飛

越上別范景文

君家難弟兄當世結詩盟
五字關風雅千年說姓名
遠煙拖柳色薄月瀉灘聲
又作耶溪別何時話此情

隱者山房

家住白雲深好山青對門
樹肥花結子土暖竹生孫
猿挂枯松折牛行淺水渾
自云歸隱後懶與俗人言

山陰曉發寄暨陽舊友

水漲官河遠西風去棹輕四山猶暝色萬木盡秋聲村近聞雞犬天寒憶弟兄故園歸未得漂泊若爲情

詩窮

道在何妨拙身安一任貧已知如意事不逐苦吟人瀑布空山月梅花破屋春奚藥有佳句未肯寄朝紳

客夜懷王英甫

半生江海上猶未卜菟裘今夜雁初過他鄉人正愁青燈孤枕夢黃葉一庭秋何日尋歸棹山陰訪子猷

席上聞歌妓

艷色傾前席高歌度遠檻羞多時掩面嬌重未成聲淺按紅牙拍輕和寶鈿箏周郎知誤處衆裏最多情

山中答高彥敬

矮屋兩三間無榮夢自安好山看不厭終日坐忘食書就松根讀琴來石上彈浮生閒是寶何必望爲官

文心之訪予山中

遠訪孤峯頂涼荒見道情別來多少事話到二三更
燈影搖空壁茶香出破鎗山中無一物何以贈君行

寫懷

心上無俗事禪餘只好吟命窮甘白屋身健直黃金
世路劒關險侯門滄海深虛名何必尚吾志在山林

塵事

春來秋又去塵事轉茫茫天下若無死人間應更忙
燕銜泥葺壘蜂釀蜜爲房獨有幽棲者眼高空入荒

玉泉山中懷李景山田師孟二公

雁落蒼烟外蟬吟夕照中與誰論古道獨自立秋風
遠岫青無數晴波碧四空故人成久別不見寄詩筒

送同行省親

送子綠楊堤楊花如雪飛相看忍相別同出不同歸
雁背夕陽遠馬嘶春草肥北堂慰孤寂喜色動斑衣

旅懷

寥落無人問青尊
獨自斟思親兩行淚
倦客十年心貧久難禁
病愁多欲廢吟
歲寒誰可語
莫逆有孤琴

永康道中

石路多盤折
秋陽向鬱蒸
矮牆低貼水
老樹倒懸藤
白髮腰鑱曳
緇衣頂笠僧
村醪何處問
更入亂雲層

過瓜州

落日瓜州渡
餘寒透薄衣
客囊空蕙苴
春色自薔薇
江遠水東去
天晴雁北飛
故山千里外
昨夜夢先歸

隱者山房

一龕俱絕頂
門外衆山橫
池小魚能活
庭荒草亂生
窓虛延月色
林遠隔鐘聲
俗客不得到
主人無送迎

贈唐師善父

唐君天目住
詩律有唐聲
父子同機軸
江湖識姓名
秋風吹破屋
夜雪洒寒檠
自說貧如許
儒官悞一生

次李景山韻

道人無可愛所嗜特清吟墨痕沁春雪燈影搖秋霖試將不龜手用鼓無絃琴此意許誰會思君滄海深

送客還山

乍見卽言還望雲歸遠山舟行白鳥外路出綠陰間隣父開松徑家童掃竹關世途方擾擾誰復似君閒

訪道衍上人時寓海雲

尋僧自補屐古寺夏雲中聽鳥明聞性看花悟色空風傳烟磬遠竹引野泉通便欲捐塵累香燈事遠公

送僧之華亭行化

華亭多勝槩此去幾時還古寺寒林外荒城野水間地靈偏有鶴海近絕無山龐老知音者相看必破顏

贈僧還日本

杖錫去隨緣鄉山在口邊遍叅東土法頓悟上乘禪呪水龍歸鉢翻經浪避船本來無去住相別與潛然

早春遊望

燒燈城郭嫩寒天，早覺春光滿眼前。
山翠全輕猶帶雪，柳絲纔長便宜烟。
佳人挑菜寧辭遠，公子尋芳各闕先。
從此陌頭車馬動，誰能閒坐負華年。

仲春遊望

春來結伴共閒行，此日山川色更明。
望裏樓臺多見柳，靜中阡陌但聞鶯。
江燕色帶王孫恨，蜀魄吟傷帝子情。
莫道韶華鎮長在，落花看已滿東城。

過吳興景

片帆迢遞入吳堽，竹潑蘆汀斷復連。
柳陰濃遮官道上，蟬聲多傍驛樓前。
近湖漁舍皆懸網，向浦人家盡種蓮。
行到吳王夜遊處，滿川芳草獨堪憐。

首夏閒居

門巷開臨曲水濱，綠陰悄悄四無隣。
雨餘高笋初迎夏，風逗殘花尚駐春。
倚杖多因聞好鳥，開樽每爲愛幽人。
疎簾清簟終朝靜，只有琴書自可親。

川上暮歸

此地頻經盡勸過，暮歸原不畏風波。
烟中漁網懸楊柳，浦口船燈照芰荷。

歸鳥去邊行客少夕陽盡處亂山多此時詩思渾無賴聽得前溪子夜歌

秋日郊居

蕭蕭晴日戶庭幽無數青山枕碧流白露雨餘沾欲動黃花風冷扇初收
雲迷征雁牽秋夢烟引寒蟬急暮愁此際不堪搖落恨蒹葭如雪滿汀洲

秋夜宿僧院

古寺昏鐘日已沉禪房花木自成陰流螢遠度還依草宿鳥驚飛不出林
僧磬和泉清客慮佛香入院淨人心夜深共講楞伽字始識空門義趣深

秋齋早起

高齋獨宿寢衣輕覆簾餘香似有情門掩青苔秋澹泊心同白露曉澄清
新詩夜得思貽友靈藥朝食學養生但乞閑身長似此已將雲霧等浮名

秋日登戴山佛閣

風物澄明宿靄收登山欲盡更登樓一行白雁投南下百道清溪向北流
野嶂雲歸初歇雨湖田稼熟始知秋空門寂寂無塵事騁望端能散客愁

歲暮山居

寂寂閒居隱翠微蕭蕭寒日映柴扉葉聲亂響莓苔屐雲氣時生薜荔衣

雪滿石床門閉早草侵碁局客來稀歲寒正好看書卷不用登高怨落暉
行樂過西崦

白日都消筆硯間偶因行樂到松關秋聲不盡蕭蕭葉夕景無多淡淡山
蛩響寒齋僧自定苔荒深院客常閒已知身世俱成幻莫嘆西風鬢易斑
僧居寒夜

山館蕭條寢復興經聲遙出最高層客愁無伴依童子禪學多難憶古僧
堦下鳴蛩沿定石竹間棲鶴避懸燈遠遊亦有幽居志擬絕塵緣愧未能
寄王止仲高季迪

祗恨孤城未解圍圍開番遣別相知夕陽江上匆匆酒細雨燈前草草詩
有夢直從花落後無書空過雁來時郭西古寺題名處今日重遊却共誰
吳興南門懷古

郭門南面似襄州野樹寒山對倚樓公子城空無食客霸王宅外有荒丘
夕陽冉冉仍西下秋水茫茫共北流只是今時已惆悵不應更爲昔人愁
唐叔良溪居

高齋每到思無窮門巷玲瓏野望通片雨隔村猶夕照疎林映水已秋風

藥囊詩卷開行後香地燈光靜坐中爲問祗今江海上如君無事幾人同
寄梅雪

聞說公亭傍水開黃茆爲瓦不須裁商船無數青山繞書按尋常白鳥來
已信漆園非俗吏誰知關令是仙才煩君莫抱窮途恨萬事都將付酒杯
次高靜學韻

緼袍無裏食無餘每被傍人笑著書郭泰徒勞誇叔度楊雄何敢擬相如
玉堂天上非吾夢紫極宮前有弊廬安得故人隣壤住溪頭來往賦閑居
陳氏先壟圖

雲山漠漠冢嵬嵬馬鬣封前躋躅開宗子祗緣懷牒去路人時爲看碑來
松間芻狗埋秋草地底漁燈徹夜臺惆悵年年寒食近白楊風起爲興哀
送胡宗禹之播州驛丞

便路之官暫到家九溪窮處是天涯夜郎沙軟多龍跡盤狐山迴似犬牙
浦口勞歌催盡鷁門前使節詠皇華途中定有江行稿好寄東風萬里槎
送張憲史之江西

燕子歸時却離家洪州迢遞隔天涯風帆落浦朝投驛江火明隄夜探沙

客裏寄書逢驛使，幕中提筆待霜衙。來春我亦尋歸棹，約爾南湖看杏花。

同安阻雨

出旬方到同安郭，水驛春寒懶放船。白浪翻江風愈壯，黑雲粘樹雨長懸。
峯頭僧磬惟聞響，沙口漁罾已罷牽。寄語羣鷗莫相狎，只今無暇與攀緣。

春園漫興

水漫芳塘生暖波，松林蘭若散鳴珂。題詩欲飲愁花鳥，避酒還能憶薜蘿。
烟柳萬條供妙舞，風鶯百轉當嬌歌。醉斜烏帽歸來晚，一路花飛撲面多。

曉過淮陰

軍中鐵鎖曉開關，使節星馳未敢閑。淮水東流應到海，瓜洲北去少逢山。
行人欲斷寒煙外，遠燒時明亂草間。却憶帝城風物盛，禮成須及上春還。

鳳陽使還

拜陵初罷雪雲晴，使者南還荷聖靈。馬上頓更新舊曆，風前重數短長亭。
逢人問俗諳僉語，到處尋源驗水經。却憶長干橋畔柳，歸時應待眼青青。

送僧還天台省親

戴經東去路迢迢，應爲寧親到石橋。江上中齋尋午墅，沙邊夜梵雜寒潮。

宰官問法畱三宿慈母焚香製七條歲晚定知歸本寺待子聽雪坐終宵

寄南屏渭長老

蒲室傳心第一宗老尋古刹寄行踪貫花偈就人爭寫壞色衣穿自懶縫
案上梵經皆貝葉手中談麈是青松何年惠遠重開社來聽東林寺裏鐘

贈景山中道立

寺在菁山東北高山上今廢

古寺殘僧亂後稀獨來林下掩柴扉化人每轉千聲偈辟地惟將一衲衣
池上蓮芳辭伴去山中松偃識師歸非關願薄難行道自是羣生與道違

重過蜀山徐幼文隱居

憐君舊隱此林間一去神京未得還獨客重來多白髮故人不見只青山
岸前古樹留維艇雪後高齋幾扣關何日能除簪紱繫莫年相約共投閑
訪許文學不遇

贈彈箏人

杖策思尋半日閑偶隨流水過前山林中不見童迎客竹外惟聞犬護關
道服自懸虛牖下茶巾空掛夕陽間到門不遇君攜手惆悵荒村暮獨還
先輩曾將舊曲傳纖纖銀甲更堪憐清和未數湘靈瑟哀怨渾同蜀國絃

驚弄晚風啼復歇。雁飛秋水斷還連。坐中北客聽來少。暗想當時一惘然。

贈鄭邴文

兩鬢星星小幅巾。蒼松氣節鶴精神。居常倒屣迎佳客。貧不將詩謁貴人。
踏雪抱琴梅嶼曉。與衣沽酒柳橋春。若非道眼高明者。誰肯甘心寂寞濱。

送蕭縣丞朝京

天官妙選待才賢。茂宰清明衆所傳。漠漠去帆衝暮雨。蕭蕭行李似當年。
逶迤客路朝京口。迢遞王城在日邊。爲說烏程民吏待。金陵酒美莫畱連。

金華道中送鄭邴文東歸

柳絮飛飛共語離。尊前會面定何時。交情冷淡孤衷在。世味辛酸兩鬢知。
春水亂灘船下疾。曉風殘月酒醒遲。湖邊鷗鷺休相笑。破篋無錢只有詩。

金陵道中

孤舟曉出古關西。江樹蕭疎遶壞堤。七里岡前寒雪霽。三茅峯頂暮雲齊。
酒家寂寞人稀醉。車馬縱橫客易迷。迢遞漸看宮闕近。月鳴時聽夜烏啼。

揚州道中

馬頭津口足風波。歲晏遙乘一傳過。南渡客來多漢語。下江船去半吳歌。

蕪城總入新編戶
孤步斜連古漕河
何處吹簫明月夜
野田茅屋曉煙多

燕山客中

只合山中度歲時
欲求聞達豈相宜
命輕似絮人爭笑
心直如絃鬼亦知
怕見是非休看史
未忘習業尚耽詩
春風歸去江南路
芳草滿汀花滿枝

閩中春暮

吳山入夢驛程賒
身逐孤帆客海涯
九十日春多是雨
三千里路未歸家
枕椰土潤蠻煙合
楊柳江深瘴霧遮
倚欄干愁似海
杜鵑啼過木蘭花

燈花

畫堂銀燭映歌鐘
醉眼俄驚火樹紅
白玉屏深謂晚艷
絳紗籠煖護春叢
闌干清淚非因雨
狼藉殘煤總爲風
更憶禁垣歸路靜
金蓮隨馬散文虹

登姑蘇臺懷古

荒臺獨上故城西
輦路悽涼草樹迷
廢塚已無金虎踞
壞牆時有夜烏啼
採香逕斷來麋鹿
響屐廊空變蕙藜
欲弔伍員何處是
淡烟斜日不堪題

送越上人住蔣山

落落晨星耆舊稀
奮然一出拯危機
石頭路滑有時到
山頂雲深無夢歸

帆葉飽風衝白浪雪花和露濕緇衣八功德水談空處應有江禽入座飛
送蓮社陸道師歸鏡湖別業

一錫橫飛下鏡湖頭顱老去世緣疎庭栽竹少堪容鶴池種蓮多不礙魚
滿室香雲經盡後半窓明月定回初陶潛懶入東林社在在青山可結廬
答山西楊憲副故舊見寄

晉鄙遙山接太霞十年從仕鬢空華秋來有雁偏催客臘盡無梅更憶家
私屬羊毛皆入稅邊風馬乳代烹茶番思共隱江南日每爲論詩到晚鴉
蘇小墳

冷落百花朝無人上畫橋東風吹綠草依舊似裙腰

蘭室詠

葉

泛露光偏亂含風影自斜俗人那解此看葉勝看花

能白更兼黃無人亦自芳寸心原不大容得許多香

盡

疎散元非用世才日高林戶尚慵開爲憐湖上青山好行到冬青樹底來

暮過西曠

白水泱泱繞壞堤隔林遙聽夕陽雞開行每到東邊少爲有青山在屋西

悼高青丘季迪三首

燈前把卷淚雙垂妻子驚看那得知江上故人身已沒篋中尋得寄來詩
消息初傳信又疑君亡誰復可言詩中郎幼女今癡小遺稿千篇付與誰
生平意氣竟何爲無祿無田最可悲賴有聲名消不得漢家樂府盛唐詩

挽楊憲府孟載二首

南北雲山賦遠遊白頭終老晉陽秋千篇畱得平生稿半似蘇州半郢州
恨不尋君未死前須臾一別便千年慰人幸有童烏在他日應能續太玄

聽老者理琵琶

老來絃索久相違心事雖存指力微莫更重彈白翎雀如今座上北人稀
取勝亭感舊

綠雨微清紫陌塵湖光冷落似無春朱門記得曾遊處楊柳青青不見人
寄友

客路尋常怨別離，況逢秋色倍堪悲。一封書到千山暮，正是思君獨坐時。

梅雪軒

山如東郭先生屋，似西湖處士家。爲問軒中清白吏，還應比雪比梅花。

雙馭圖

內官粧束樣，能齊宛洛春。風信馬蹄共，說放朝無一事看花直，到夾城西。

小遊仙四首

洞口春泉漱碧沙，樓臺彷彿蔡經家。赤鸞銜得金盤子，擲向窓前樹樹花。
晞髮扶桑露氣新，三花樹底坐調笙。到門解說長生理，只有茅家好弟兄。
朝遊碧海不騎魚，鳳引霓旌鶴引車。吟得步虛誰解和，歸來閑倩少霞書。
門外南風吹葛花，奕棋人散樹陰斜。青童睡起渾無事，乞與神丹饒白鴉。

廢寺

白晝關門一兩僧，山房深掩薜蘿花。青西風不管鐘魚破，自在斜陽與塔鈴。

維陽春晚

煙籠柳影亂鶯啼，雨濕芹香乳燕飛。二十四橋春又盡，江南詞客正思歸。

燕山春暮

金水橋邊蜀鳥啼玉泉山下柳花飛江南江北三千里愁絕春歸客未歸

列朝詩集

甲集第九終

列朝詩集

甲集第十

徐布政賁

北郭集古今詩一百十首

徐布政賁

賁字幼文其先蜀人由毗陵徙居吳家城北望齊門外時稱十才子幼文其一也工詩善畫山水淮張開闢辟爲屬與張羽俱避去之吳興張居菁山徐居崙山甲辰九月建蜀山精舍丙午吳城解圍後復隱于蜀山洪武七年用薦起家丙辰二月遣廉訪晉冀簡其橐惟紀行詩數首授給事中改監察御史出按廣東改刑部主事陞廣西參政河南左布政使大將軍兵出洮岷往返中原訴所司缺犒勞上以賁迂疎儒者不卽誅下獄歿詩名北郭集成化中吳人張習編次習後錄云幼文以丙辰起家其卒以癸酉七月余考洪武六年癸丑幼文與呂志學宿蜀山書舍爲志敏作画次年甲寅衍師過佛慧精舍題此画云幼文仕于朝季廸已入鬼錄則幼文以甲寅入朝非丙辰也庚申七月志學題幼文画云幼文已矣而画獨存則幼文之死獄當在己未庚申間非癸酉也習云先生履歷述諸故老

所談故其紀年舛誤如此

青青水中蒲

青青水中蒲，織作團團扇。不肯贈傍人，自掩春風面。

漁父篇贈瞿敬夫

君本烟波一釣徒，載得全家人。五湖耽詩每笑唐高士，致產能輕越大夫。
往來不向州城住，朝泊西岩夜東渚。筆床茶竈何用將，篷底惟留釣漁具。
第四橋頭春水多，朝朝暮暮自經過。綠蓑常帶桃花雨，白槳頻翻荇葉波。
春風秋月年年好，銅斗歌中鬢華老。閑愁總在醉中消，樂事從教行處少。
但取魚來不論遲，黃梁綠竹手親炊。飽時把釣醒時唱，世事於君定不知。

舟行崑山懷陳惟寅山人

粼粼渡斜渚，窈窕漾晴川。日入風逾駛，舉棹屢洞涔。荇花拆還欽，漪文斷
更聯。畔人歸負耒漁，郎行扣舷煙。蠻各閤態霞嶂，獨逞妍睇近。固流迅，矚
遠乃遲延。羈懷欣暫息，離思愴仍緣。安得偕吟侶，覩爾瑤華篇。

過荷葉浦

粼粼水溶春，淡淡煙銷午。不見唱歌人，空來荷葉浦。無處寄相思，停舟采

芳杜

題銅場後山石

山行興未窮復登白雲嶠石上識曾遊墨花破孤峭隣僧尚未見知有幽人到

燕余左司宅

初晴麗前楹輕寒洊幽院酒氣菊邊聞鑪霏竹間見禮秩俱澹忘情文自深眷嘉會在永期閑歡足清宴

題陳允中山居圖

管平爲客處看圖懷故山今日還山住儼然圖畫間泉來繞蘭逕月出對花關應知農事畢高坐有餘閑

池上晚立

芳艸湛微漣高柳駐餘景喧喧林鳥繁藹藹墟煙迥幽情卒難愜因茲立俄頃

衍上人菴然齋

高林洒繁露閑齋自翛然俄聞一葉墜應我琴中絃野水寒欲淺遙岑秋

更妍清晨理梵罷窗扉霽餘烟

獅子林竹下偶詠

客來竹林下時聞澗中琴經房在幽竹庭戶皆春陰孤吟遂忘返烟景生逾深

劍池在馬丘

闔閭試劍處靈泉湛澄靜苔花漬餘血石色帶古礦空山秋氣寒幽林夜光冷月明樹交壁人靜霜折綆古懷且當置清景庶足領

詠屏送周伯陽

巧飾辭雲母圖畫比晴天密防宜便坐連張須廣筵月臨皎乃隱風當駛亦旋望處憑移障只恐見離船

晚步

雨餘夏氣清烟聚園齊暮紅萱宿雨蝶綠橋垂新姍艷情杯裏融幽意琴中度蕭散且未寢遂適前處趣

萊適爲永嘉余唐卿右司賦

遠辭華葢居來卜山陰宅午到俗未諳久住地旋闢屋廬尚朴純楹櫺謝

雕師高營路山耐深楚逗泉脉簷將狼尾苦門用鼠筦纖缺垣唯補蘿圯
砌總蒙鴈編籬限邇隣樹枿表殊場本來是野性豈是耽地僻學圃欲擬
樊爲功敢侔稷寧惜勞外形自甘食餘力耕鋤限兒課灌漑當僕役破塊
何昉昉陳器亦易易駕許俗士回屐向隣翁惜筐筥織湘材鈿鋪鑄棠液
卓鏤鷹鷂利負簑峭毛磔俯仰疲枯裨沾洒漬發襖循畦行策饒偃林卧
畝石鎌披欲芟丘刈削竟驅礫值阜卽爲坡遇凹就成洫堤崩防密葭實
隙拒亂棘地同農畝計區學井田畫長畛縱復橫曲渠廣還窄接流引餘
清疎沼匯深碧架桁秋實垂籬落夏蔓幕雨露加膏腴糞土發磽瘠識種
題裹藏辨類分行植蒔法常按譜候時卽看曆蕨芽拳握紫薑蕒拇駢赤
兩合憐蘭蕪叢生愛銚芑初簪迸蟄雷新臺長春蕓雀弁菴葉峨馬帚并
莖直黃繁微爬綿瓠老枯瓣折巧苗卷龍鬚藥幹擁牛膝黃獨雪晴收紫
藟露晞摘陰堦茂蕨范下田豐菲惹捲輪木耳垂攢刺菱角射秋茄采更
稀夜韭剪仍殖芝芳凝海瓊菱鬱點池墨枸杞香可醪竹菇熟堪腊石皮
被桑薄土酥膾肥蒟細蓴入饌鱸鮮菱襍羹鮑茶苦藥與儔松脆冰爲敵
菌櫨西蜀致苜蓿大宛得長縈苻帶流亂簇陳絲繹芹效野人獻瓜爲天

子副

音偶也

決明纔一方萬莖連數席蟪蝼慰渴心玉延起羸疾葷毒笑非

喜芥辛泣詎戚盤根芋埋壤脫穎筍穿壁擷香憐雞蘇折甘嗜燕麥栗腐

切力圭乳餅斲圓壁孕子梭受剗贅聃石被馘兔目淘夏槐鹿角毛臘炙

菁托諸葛呼巢以元修斥新元修芄褒蔡守清微怨周節逆邪蒿義所

攘穢安理堪啞薄刊嘉拔蔡省謗惡遺意竊餐醞酸黃儉啖薤畱白閑情

付田園生意仰膏澤莢齊翠疑剪甲折綠訝擘掩冉烟際姿恣舊雨餘色

始掇惜滓染載滌畏蟲螫新薦或在邊薄湘亦須鬲求久漸投醴致爽遽

沃醴不煩僚友送敬向先聖釋對屠誇大嚼燕客忻小摘拌羞不過三甕

菹當飫百未能著蔬經安敢踰食籍旨蓄足山廚素供過香積用茲辛歲

年庶得勤朝夕賓魏徐見厭厄陳頗自憚潔番士耻汚造橋盜懷恤抱甕

忿設機授書請求益用侯君房微嚴光事縱馬因致憂吞蛭遂亾謫萬錢柳復乞片

金華還擲仕知呂姪安居味鄭人識枕肱仲尼樂傷指范宣阮齔牖固云

嘉食單亦足適敷淡分所安堪味欲易極母因口體累遂使愆民德

蜀山

在吳興弁山南十里

喧囂厭已久閑居喜茲遂菲茨起高明澗道入深邃鑿牖通震方開扉面

離位藩編槿雜篁壁補蘿牽荔井欄旋解苞田植齊吐穗溪山固可娛風
雨亦足庇到日始八九良友得三二客情卒難慚人性頗煩記時具茶果
招或携酒肴餽感激壯歲心慰藉平生意茲欲尋幽期弗暇理塵事諸方
未遍遊近處聊一至指引頼苾芻隨行有童稚陟怯危磴歆瞰訝頽岡陂
蹇蔓悟險途披叢見傾隧綬流似矜清舊藏欲呈瑞變綠亂蔽蕩發頽老
葉醉深村瀟旅絕荒山古祠閤屋掛紫閣陰松映綺疏紋聖像委蒙塵靈
幡颯驚吹青史失記名朱榜但題謠庭空衆艸羅地僻百蟲蚊鳴禽語供
弦飄雲影翻幟螢停暗帷燈蝸篆仆碑字栢瘦蟠輪囷瓠子懸重脰喬林
神鴉號甲薄鬼蝶戲楚虛泉脉通級夷石髮被怒蛙恒瞋睛痴螳忽掉臂
鼠行黠無聲螳旋馴有次壞柱腐耳垂敗几蒸眼漬絲颺骨蠟蛸燐飛見
魍魎螟餌供後花猿窺祭餘器浮烟不熏爐雨常停解崩垣竄驚屬崇
簷巢惡鴟野蒿食復生園棗啄將墜收笛秋霜清樵歌晚風遲嵐光疑積
愁谷氣如發唱對景獨感懷覽物各求類癩祝勞遠陪慵僕倦久侍歸時
群動息日脚在平地

登戴山

在湖州臨湖門外二十里

平田渺空曠孤崗忽高峙新松蔭其巔白石繚其趾初登若巖絕稍上乃
如砥巖風蕩高寒微月中宵起亭亭日斜側肅肅征鴻駛南招天目雲北
覽具區水比來局羈絆遊遨茲始同心良可重惟言得佳士非惟外
遺沉憂亦成委薄暮聊旋歸餘興會爾此

題崔生南軒

軒居曠宜夏嘉樹覆前榮南風藹繁綠幽禽時一鳴理櫺陽光啟奏琴涼
月生逍遙自旦暮于以暢閑情

閑居

謝事返丘壑退耕理田園茲心獲遂初稍得酒中愉振策升崇巘湯輶邈
長川驚湍信汨汨清瀾自洄洄新蘭艷遲日密竹曳叢烟東館朝燕坐西
林暮獨還朋舊固云曠山水聊夤緣居誼暫亦遺習靜久乃便已幸駐靈
藥復能諷瑤編既無羨魚志外物非所還

題王彥舉聽雨軒

高竹覆南榮寒蕉滿前渚蕭閒此中意適對清秋雨疎窗簾外飄密向窗
前聚聲聞俱兩忘悠然坐無語

晉冀紀行 十四首

荆山揭高厓塗山聳橫堦長淮出兩間中斷見斧鑿洪流受束縛浪起石
闕角誰能爲此功在晉大禹作至今遺廟存香火乃寂寞我來問邑人往
事竟緬邈于時春正深艸木尚荒落登臨欲開豁觀茲反不樂更傷卞和
泣三獻空抱璞

右荆山

舟行夜達曙路入硤石口平山帶孤城一塔起高阜問知古壽春地經百
戰後群孽當倡亂受禍此爲首彼時土產民十無一二有田野滿蒿萊無
復識吠畝去程不可稽欲望敢遯久

右壽州

秋日何淒其嚴風變陽卉嘉節叶重乾時菊芬且靡臨高一眺望俯見城
郭裏三關爲襟帶雙溪流瀾瀾浮雲起天末鳴鴻在中沚雖非吾故土但
悅山川美獨遊意尚適况茲值多士環肴出豐廚吳萸泛芳醴人生雖長
壽良時亦有幾對此不爲歡憂思何由弭鑒此登山悲飄飄然已矣

右河

昔聞陽臺名今上陽臺路我因興古懷驅車暫停駐餘基尚突兀雲雨自
朝暮哀猿失故聲野色賸孤樹當時襄陽夢曾與神女遇幽冥事莫測萬

載誰能悟平原百千里平山渺何處淒涼宋公子深情見遺賦右陽臺

客程不論遠所愁在陰晴惡風滿川來雨勢晚逾倍船爭急流上寸進還
尺退枯葭夾崩沙路轉百數匯颯颯孤蓬外琅琅萬珠碎篙師左右呼坐
之然與對去心雖云迫前途苦茫昧德星無復覩洗耳亦何在有懷仰高
風令人發深慨右穎川

前登盤子城山隘勢欲逼路迴土峭絕傍夾千仞壁石狀如矩斷巨細總
方直無泉土脉歟艸木盡改色高巔有堡障重門限重棘陰慘行人險惡
意叵易測信知狐鼠輩得在此中匿我生好壯觀努力更攀陟立久日將
晡浮雲渺鄉國右盤子城

峰迴抱深壑下視天鑿井管人建重關扼險備邊警鍵鑰久已絕垣石尚
森整峨峨尼父祠門掩衆山靜曾聞此回轍無復過斯境詢知鄉老言此
事古未省餘氓數家在破屋暮烟冷我行力稍疲景物不暇領且爲投宿
來驚風夜愁永右天井關

盤盤羊腸坂路如羊腸曲盤曲不足論峻陡苦蹣跚上無樹可援下有石
亂蹙一步一嗟吁何以措手足途人互相顧屢見車折軸少時徒耳聞今

日親在目不經大行險那識安居福

右羊腸坂

陸行渴懷抱今渡沁河水奔騰走百灘聲遠聞數里我來坐其涯肩擔欣
甦弛不意山鳩間偶得見清泚連朝塵沙目豁爾淨如洗雖云倦行力對
此亦足喜南風吹青蒲白鷗忽飛起

右渡沁

一水隨山根宛轉流出迥灘聲純縣門孤城數家靜風土殊可怪十人五
生瘼土屋響牛鐸壁滿殘日影行遲欲問宿連戶皆莫肯亭長獨見留牛
欄亦多幸吁童此晚炊糲飯穀帶穎野藪不可得敢整肉與餅途行乃至
此後素當自省

右沁水縣

巍巍太陰山厓壁拔嶄峭積水嵌層墟凜若太古造東深艸木堅僵立勢
難撓高寒橫障空陽景未嘗到隣有義和墓欲問莫可吊如何於此地獨
不被臨照至今山中烏無性識晴昊聊爲志其事因之發長嘯

太陰山

土谷既深入高山復噴吭微逕纔百尺下轉十八盤俯臨澗壑險勢陡不
可看亂石闢磊砢置足恐不安長鑱那可托藤蔓無由攀寸步每千慮舉
動如蹢躅心膽掉欲碎毛髮亦爲寒戰兢尚未足何暇發慨歎平生行路
心此日方知難

右十八盤

空山兩高冢，嫗皇此中墓。焦土積層巘，勢助殿閣壯。大哉補天手，功出千古上。至今煉餘石，火氣夜猶放。灩澦常祓護，烈風日掀蕩。陰林慘可畏，怪石高數丈。百鳥飛繞枝，欲止不敢向。地靈氣所鍾，祭禱士人仰。經過謁祠下，幸獲拜神像。右女嫗墓

霍山古北鎮，勢尊出群麓。山深異風景，春盡樹未綠。居人苦多寒，鑿土爲住屋。屋頂土元厚，亦種麻與菽。乃知此方民，猶有上古俗。我欲拜其廟，日斜去程促。窰烟歛暝色，牛羊半蹄牧。征徒多嶮巇，村館早尋宿。右霍山

右紀行十四首，貴於洪武九年往山西與領厓同受。上命問俗于晉民，自京師下長江，歷淮蔡入大梁，渡黃河登太行，覽唐虞故都，周旋於吉絳汾沁間，過鴈門代郡，回觀上黨長平之舊跡，跋涉五千餘里，其間山河形勢佳景殊俗未暇盡述。姑賦其萬一聊以擴吾之見聞云爾。二月廿三日識。

丙午中秋與余左司王山人高記室同過張文學宅看月

商飈吹秋天如藍，出戶圓月生東南。衆星次第歛，芒角獨有桂影垂。氈氍澄光無私照，應偏不問汚澤兼。清潭水輪軋軋上銀漢，玉龍左右駕兩驂。

須臾當天蟾魄正八表洞視明相涵自憐下界苦追寒未得變化同青蜉
遙思海上看更好水氣顚顚雲無墨鮫人機室仰虛炤綃絲薄袖抽冰蠶
孕蛛老蚌躍波出吸納華采爭呀細山河大地影倒入嗟此尺璧何由舍
曾聞月乃七寶合坳處修補須斤鑿又聞姮娥竊靈藥直欲不死真貪婪
如此怪事各有說理或有之幽莫探化橋擲杖本幻戲茲事何故推難諱
分明以術誑人主不卽加罪誠痴憨今宵貴家盛開宴奔走席上羅女男
南宮先生樂正作金尊玉竿情方酣羈愁誰念獨居者家無隙地惟書龕
南宮先生院未爲廣較之我處殊差堪便携濁酒扣門去肴核瑣細毋煩擔
移尊露坐共邀月更呼故友來清談諸君豪邁總名士長材落落皆梗枏
詞鋒出矧賭快利鈍斧寧敢膺長鐔胸奇每能幹造化語峭似可欺岩嵌
我今結托豈偶爾內切自喜忘其慙當歌月用脫邇幅買酒奚問墮珥簪
爲君起舞明月下兩袖拂髭風鬚髮佳節於人旣不惡暢懷痛飲心所甘
緣知樂景不易遇匪曰嗜好成涵耽此月一去又一載坐看直待鷄號三
連理木爲何垌賦

松陽之山如游龍粵羅浮原獨龍從有墳我我樹且封誰其葬者楚國公

楚公系同正獻宗煌煌炎宋祠業鴻若子洎孫俱登庸德澤綿衍何其隆
至垌七世慶未窮垌也孝義被厥躬祗率黨序和睦雍上以承祀弗墜躬
下以奉親能婉容昊天不愆降鞠詢群醜戲兵儕螳蜂居民悉毀郊甸空
毋也奄忽時適逢葬地罔差吉與凶倉皇原傍鑿幽宮禮弗克備誠忽忽
明年又復殂乃翁五內摧裂號彼穹相原石塘氣鬱葱僉曰合遷毋也從
垌以體魄安其中而更發露寔所恫歲丙午春時雨豐連理木生元氣鍾
巨幹開合敷枝藁廿又四尺爲其崇望如車蓋儼童童山靈攝訶護芳穠
頑奇孰云非化工於戲孝感天地通暴祥表瑞無以充乃於茲木昭莽衷
睂山記語具始終鄉人頌美萬口同我聞其事愧愚蒙作詩聊以脩采風

贈崔孝子

洪洞山前震聲鼓東家被殺西家虜崔郎逃兵山更深手引諸兒背馱母
須臾兵急行恐遲月昏霜滑山嶮巖大兒牽衣小兒哭心在護母寧戀兒
倉皇棄兒巔岩裏永割慈情知必死明朝隣里忽抱還全家相看盡驚喜
我知此事由衷情不有神護安能生兒今拜父孫拜母一家團聚居樂土

晚歸

樵風度溪波蕩影水葉圓圓綠浮荇白沙路遠雲花靜小艇爭先野鶴歸
竹外依微衆山暝

瑞芳樓

高樓春多風日妍瑣窗璫闌縈素烟水晶簾捲香散席瑞芳吹入琴中絃
美人手度陽春曲水意山情斷還續三山鸞鶴夜飛來佩環搖曳玲瓏玉
琴聲宛轉響春空滿樓白月梨花風

次韻王止仲見寄并東郡諸友

少年不用悲秋蓬致身豈但儒冠中壯心非干要夸世平生直欲圖成功
枉將空言恣幽討徒采衆說相芟薶全功獨取遼城箭大言誰信扶桑弓
亦當殺虜白登道寧復獻賦甘泉宮英雄不作等閒事神仙自托浮遊踪
求名未解吐辨舌養壽莫必生方瞳微生自有造化繫皇輿已喜車書通
按圖孰能索神駿抱璞未易逢良工散材遭焚固無用蟠根爲器須先容
以茲嘆息委鈍質匪云隱逸矜高風安時從此甘預藿傲世詎敢厭韭葱
衰榮來往培艸木得失互有憐鷄蟲龐公到老終食力藥布賤時曾賣傭
狂歌每增慷慨意濁酒一洗芥蒂胸學書未必醉乃聖賦詩何待工爲窮

屢當求益懷故友獨恨作客來新豐明珠羞與魚目混美玉亦藉山石攻
仁山道學麗白日少陵文采明秋虹又知席師學清靜可貴行衲修真空
藥師老成飽兵學安石俊健夸文雄王家筆法到幼子高君奇句欺三紅
相思寧問異遠近結交尚賴全始終將來大器君輩是嗟此亂世吾難逢
明朝東書過湖去放船鼓舵松陵東

次韻楊孟載觀芍藥作

輕陰釀綠寒猶薄龜甲疏簾映朱閣美人偏有惜花心新水銀瓶送紅藥
當堦惟恐流塵污纖手籠春爲花護一捻芳容飽弄嬌胭脂細結玲瓏露
綵貼單屏襯碧綃微風纔動見花搖香凝膩粉肌全濕影艷方諸臉半潮
高枝開滿低枝捲翠檻移來隨步輦濃染如分織女機巧裁似出宮娥剪
花情最重是何人應有鴛鴦帳裏身不用傳心題綺字踏歌當爲喚真真

春陰應秦王令

時在山西

雲花鱗鱗山漠漠重城平障芳陰薄賦雨輕吹飛後停勾引東風到簾幙
艸滋微濕沾芳塵隴頭不見尋花人桃英梅萼同懊惱水紋滿漲金河春
柳綠暝濛烟不醒輓轡暫輟銀瓶綆新鷺未換谷中聲遊蜂竟失關前影

丁香百結蕉有心綃屏六曲春沉沉香如翠縷火長續餘寒撲錦籠朱琴
江南春好多芳樹林園半是看花處明初重整小紅車風光滿路行春去

楊孟載画竹

江南看竹不爲罕水郭山村常種滿東里千竿繞佛亭西隣萬木連書館
密葉分陰小閣深斜枝度影虛簾短蕭疎夜月翠羽凉掃曳南風鳥聲暖
嗟余好竹處處遊徑造豈減王猷詠湘江淇水無不到崩谷柯亭亦嘗歛
人同音律性所好收作鸞笙與鳳管裁文鐸製小冠時尋新笋供清饌
朝行竹下暮仍往自謂竹緣終不斷竭來并州苦寒地沙土撲面心煩懣
寧無畫艸共山花惟覺簞疎俗吾眼中塵氣久已積對此汾河詎能潸
君心飽有渭川思揮洒風烟意閑散封圖遠送邀我題搢語苦澁顏何赧
謝陳惟寅贈其故弟惟允所画山水

大髯袖中有廬嶽嵐氣噴人寒色薄出贈生綃一幅圖云是小髯之所作
我曾游君伯仲間仲今已矣空見山画中無限盤礴使我坐見愁滿顏
重簾複澗迷樵路杳杳煙蘿畫如暮溪閣風生醉客眠野橋月出歸僧度
樾林蒙密楓林高深處似有猩猩貍號滿空雲凍動秋思飛泉落日何蕭騷

揮毫若此難再得白鶴何時返鄉國良工自古多苦心留賞人間賴遺墨
南宮北苑皆已僊此圖與之當並傳坐嗟存歿意難報作歌愧匪瓊瑤篇
宿王判簿宅送徐孟岳

來往頗吳越扁舟只載書言從交後淡情恐別時疎涼意蓮塘靜宵光竹
牖虛懸知待明發柝盡是愁初

東城道中與王守敬張思廉同賦

水郭秋風後尋詩客共過晚鴻將集渚風葉盡隨波野客便詩思潭魚識
棹歌前山青數點不似亂雲多

送唐處敬赴嘉興

莫謾唱陽關愁多湖上山春風催去艇酒色解離顏路出三江外程淹一
日間官亭車馬散俱是送君還

次韻荅楊孟載池閣晚坐四首

獨坐面萍池微涼沁碧漪意緣多病懶詩是苦吟遲孤柳風難定叢葦雨
不歇蕭閑此中趣未信髮如絲

晚涼池閣靜藹藹綠陰交野蕪將紉子牆桑發舊苞藥房因雨閉茶臼待

晴敲誰念孤吟客
繩床坐岸切
閣晚磯初歇
池萍水不漪
衆禽鳴未定
獨鶴宿常遲
無悶杯仍酌
多眠枕
屢歆黃梅時節裏
常是雨絲絲
習靜消微恙
驚時念故交
花殘紅剩萼
蕉長綠成苞
茶器晚猶設
歌壺醒
不敲遙知涼思足
行樂到林坳

秀野軒

何處問幽尋
軒居湖上林
竹陰看坐釣
苔迹想行吟
幢日斜明牖
渚風涼
到琴相過有隣叟
應只話閑心

和高二啟聞隣家琵琶之作

花暗短垣春
琵琶度隔隣
促絃知改調
停撥似要人
得見情應眷
遇聽思
已親摧藏曲中怨
何事話能真

送易架閣

何處唱離歌
前湖一棹過
日斜山似近
水落渚偏多
寒意歸沙柳
秋風到
浦荷不知今夜夢
還隔幾烟波

送王團練赴邊

遠塞頻經擾重煩
團練行埃兵傳虜信
關吏說邊情
月黑深防檄風高屢
按營羽書聞
近息喜復見秋成

丁未年人日

人日轉寒深
春城澹澹陰
殘梅仍故色
啼鳥換新音
曆喜逢時看
詩多感物吟
愁來渾是醉
誰道酒能禁

飲櫻桃花下次韻饒參政

西園風雨過
今日始知春
對酒皆閑客
逢花卽故人
悲歡情各異
醒醉量難均
忽酒樽前
泪愁多易滿巾

待杜二寅不至

春水路西東
思君悵望中
落花湖上雨
歸鳥柳間風
雲影疑飛蓋
歌聲認短蓬
蕭條一杯酒
此夕向誰同

夜投白蓮寺在甫里

飲別東家叟
行投西寺僧
無風收閣幔
有月罷廊燈
竹夜聲偏集
池寒色似疑
無端值詩景
清興覺逾增

黃山人家次韻答陳秀才

相逢坐上客俱是此鄉人重見兵前面能全窻後身月遲疑夜短風乍覺
寒新爲訴窮途事都忘語意頻

兵後過翠亭山

翠亭西去遠一過一凄然鴈宿蘆中月人歸艸際烟漁家多近水戎壘半
侵田尚喜餘民在停舟問管年

同衍師訪席有道分韻得尋字

邂逅空門友仙家得共尋石苔經屐破冰溜落溪深雲過松分影林寒鶴
避陰何煩謝人世心靜只山林

虞文學村居

行盡沙村路林塘得隱居竹光琴席上蓮氣酒杯餘露重時聞鵲風平或
見魚會當明月夜相與步前除

李逸人同川藥隱

小墅離村遠門當水竹開芷蒲皆藥艸雲鳥盡詩材春雨躬耕去斜陽訪
病回花藏溪上路只許酒船來

夜坐池上有詠

新涼滿綠波
窓戶雨纔過
岸響聞蒲葦
池香識芙蓉
隔雲星見少
承月露凝多
夜靜誰能到
詩成只自我

遊浮玉山

在碧浪湖中次韻

浮玉山前路
樓船泊渚沙
蘋香風際艸
杏色雨前花
閑鳥兼湖淨
遊絲趁岸斜
不因來此處
那得賞春華

蓮花溼莊

洲渚綠縈迴
菱荷面面開
路從花外過
山向柳間來
鳴鷺驚迴舫
遊魚仰盃同
爲城郭裏
此地絕塵埃

題周伯陽所居

山深獨置家
地帶竹林斜
花盡纔收蜜
烟生正焙茶
客來門放屨
雙出路鳴車
不但成高隱
營生亦有涯

馮山人湖上別業

宅近南湖口
青山盡在門
田卑嘗冒水
鄰少不成村
住久諳農事
耽閑悟道言
如君避地者
今有幾家存

送思上人

一瓶與一錫遊越復遊吳到寺長逢舊看山每過湖飯緣隨處有法意本來無南地多猿鳥還驚梵語殊

詠妓

出閣初含笑臨筵復理粧蘭膏分髮綠並粉間眉黃掩扇羞嗔小寒衣舞恨長不知坐中客若個是盧郎

贈虛中上人

歸去東林寺行循曲澗流餘燈因佛在宿飯爲猿留竹屋烟迎夕菱池雨送秋還參眾師舊一一話曾遊

賦得廣文舍贈李文學

地與齋宮接門臨泮水開廣文騎馬到司業送錢來芹向春時采槐多亂後栽無種不須嘆相遇且銜盃

送客

津亭鳴鼓罷行色柳先知酒到聽歌歇詩因戀別遲亂山投驛晚疋馬扣門時州檄軍中事多因載筆隨

戊申正月試筆

佳氣麗層城。龍河溢曉清。市橋緹騎集。巷陌寶車行。柳上春多思。蘭心雪
有情。風光看更好。底事客愁生。

次韻楊孟載感故園池閣四首

艸閣開清曉。鈎簾爽氣通。綠蒲藏藥畧。文荇縛詩筒。盟手纔臨澗。梳頭得
面風。此時應手暇。行繞碧梧桐。

艸閣開清晝。閑過客多枕。材便礪石酒。具給池荷蕉。長宜聽雨萍。交不
見波。此時情爛熳。歌詠復如何。

艸閣開清晚。涼生自有期。菊因風始護。竹待雨方移。妓進調成瑟。童收奕
罷棋。此時盃酒裏。明月是相知。

艸閣開清夜。垂垂星斗零。水蒲藏白小。露艸宿蜻蜓。文梓裁憑几。生綃畫
卧屏。此時涼似水。看子拾流螢。

獨坐懷鄉中友人

獨坐荒山暮。相親是酒盃。人從鄉裏別。秋在客中來。倦鳥須臾去。幽花久
第開。離心自多感。不爲歲時催。

送曾伯滋赴西河將幕

上將初分閫儒官解習兵風旗春獵野雪帳夜歸營洮水從岷下祁山入
隴平知公能載筆師檄報邊聲

送朱知事

惆悵官亭酒如何送客頻水烟漁市晚花氣野橋春小騎行沙健輕衫映
柳新尊前莫催別明日異鄉人

送人之吳江

垂虹橋下路此地隔江湖沙樹應多橘寒魚半是鱸風將菱唱遠舟帶夕
陽孤離別琴三疊悲歡酒一壺不堪憶君處烟雨滿秋蕪

賦得石井贈虎丘蟾書記

來欵生公室因尋陸羽泉虛泓雲液淨陰甃土花圓竹引啼禽積瓶分供
法筵虎跑晴見跡龍伏暖浮涎錫影孤亭日茶香小竈烟同心如定水應
悟趙州禪

送張明府

每喜論文久那堪又送行壺深淹別酒歌短促離程水驛孤臨渡寒山半
隱城潮生知海近水落見秋清明旦車塵下應看父老迎

次高二季廸留別韻 夢江東館

柴門村徑帶溪橋來往因君豈憚遙淺水不波仍漾漾疎林無雨自蕭蕭
檣留夕照人將別江作新寒酒易消明日秋風重悵望還將離思託歸潮

送張山人還天平

幾欲求田負舊盟羨君西崦艸堂成每緣種橘多開地獨爲修琴始到城
黃葉已先霜降落白雲長在雨餘生龍門林屋無多遠此去尋幽莫計程
丁未六月廿八夜作

西風作雨又仍休卧起園齋夜更幽天黑露華涼不下雲疎河影淡還流
陰蟲齊響渾忘夏落葉頻飄預報秋亂後俄驚時節異却將何計爲消憂
次韻金子肅卜居

君家茅屋去村西地接湖渠水上畦黃菊遍生風掩戶綠萱新長雪消泥
酒香門客船中送詩好隣僧院裏題誰道亂離無樂土此鄉還自有安棲
遊張林山 在甯里

偶爲尋花到竹西兩山雲氣接高低午燴僧舍林塘官春野人家艸樹迷
水鵲晴時行麥隴園蜂暖處識蘭畦自憐遠地歸來後纔是登臨又落暉

園隱圖送方以常

曾聞學圃成高隱今日携書是宦遊
隔屋尚通分溜竈傍溪空覓看花舟
菰莢盡作隣僧供芋栗還憑野老收
後夜月明江上夢應隨歸鶴到林丘

登廣州城樓

五嶺南來瘴海深秋風榕葉尚陰陰
安期一去家遺烏陸賈重來橐有金
門限虎頭潮上下城開鴈翅客登臨
清時不用頻興感萬里惟存向闕心

記夢

夢裏綠陰幽艸画中春水人家
昨夜紗窗細雨銀燈獨照梨花

雨後憇池上芙蓉

池上新晴偶獨過芙蓉寂寞照寒波
相看莫厭秋情薄若在春風怨更多
折花肯立一美人圖

綉罷春衫出閣遲辛夷花下立多時
內園且是無人到不省含羞怕見誰

荅楊署令送菜

隙地知君手自栽糾茅紅甲雨中開
閑居我亦清齋久肯折新葵爲送來
荅高季迪酒醒聞雨

江郭多陰暑到遲夜涼孤枕怯疎帷聽風聽雨尋常慣不侶今朝醉醒時
訪桂上人

經院深涼久護烟雨中藥艸午涼天古香室裏人重到恰似秋風五日前
折蓮子呈孟載

落盡紅衣見綠房折來猶帶水雲香柔絲零落芳心苦未及秋風已斷腸
夜卧聞隣家酒聲呈季迪

雨響槽床滴夜長重門雖閉四隣香近來不是忘醒酒也學東家吏部郎
同季迪宿丁至剛南軒

疎樹寒蕉綠繞池夜涼雨到便先知我家路遠君家近能不開懷在此時
月明聽胡琴

楓板朱絃出砑聲停盃齊聽月當楹分明自是涼州曲不解何人最有情
題倪雲林竹二首

憶昔我有淚淋漓正似湘江雨後枝記得秋聲夜同聽蕭閒館裡對床時
綺窓晝寂自焚香十日春陰不下堂幾度吟成微醉後興來拈筆寫修篁

送呂管勾

客情沙柳共依依
隔浦遙山向夕微
送別偶當花落後
傷心元不爲春歸

過南坨赴黃德讓招

風暗沙村晚漸平
相邀應得遂閒情
南塘水滿人來少
疎雨寒波一舸行

曉發秀州

路出雙湖烟樹東
舟行長是雨兼風
夢回重有離家恨
惆悵春寒此夜中

揚州僧舍見花有感

風逝穠香到水涯
幾株桃李映門斜
侯家園圃多荒廢
不是僧房不見花

居龍河寺懷高季迪二首

與君長辦酒家錢
共結山盟與水緣
今夜重思舊遊處
一龕閑坐佛燈前

竹下幽泉細細流
寺閒人去暮烟愁
獨憐千里來京客
腸斷龍河寺裏秋

九月十七日聞鴈寄董莊

晚意秋陰雨不分
渚蘆沙竹護寒雲
鴈聲客裏誰先聽
愁絕惟應我共君

送葉知縣

黃韋丹楓葉落時
水雲漠漠鴈來遲
秋風長是身爲客
已自傷心況別離

神絃曲

靈風颭旗日光黑燈影半明斜熒壁湘筠蠟淚泣慘悽翠裾香帶蘭葉齊
跳梁絳鼠舞碧雞神鴉飛出寒烟啼紙錢嘯火高懸樹千輪萬馬登天去
余錄幼文詩採吳人張習集後記錄撮爲小傳引据衍公呂敏頤画之
語辨證紀年之誤是時僑居吳門携書不多聊引其端而未及詳考也
載觀高張二集高有禽余新鄭詩云君初隨例詣闕下有旨謫徙鉅離
城異鄉何人恤患難喜有楊子兼徐卿去年聖恩念逐客特賜技拭加
朝纓初春天子下明詔辭謝不得來南京楊卽孟載也余則永嘉余堯
臣北郭十友之一蓋三人同受淮張辟爲椽屬吳亡例謫臨濠洪武二
年放歸余主新鄭簿楊知滎陽縣徐未知何官當亦此時銓授而季迪
徵修元史正在南京得相贈禽也楊有夢綠軒詩序云余與徐君幼文
同謫鍾離結屋四楹幼文居東楹余居西楹詩云去年吳城正酣戰却
倚危樓望葱蘢今年放逐到長淮萬綠時於夢中見則楊徐謫濠在吳
亡之次年其赦除在洪武二年歷歷可考而張習以爲吳亡後幼文隱
居蜀山洪武七年用薦起家習自謂得諸故老傳聞其入朝死獄之年
一一舛誤姑蘇志於詒載傳記其謫濠事而幼文傳略同張習都無辨

証游寓中又不爲堯臣立傳志成於弘治間大儒而記載闕略如此文獻無徵不獨吳故也余撰此集倣元好問中州故事用爲正史發端搜摭考訂頗有次第十月之交不戒於火三百年琬琰盡矣切火秦灰斯文蕩然行且瘞硯冢筆以蒼天戒繙閱幼文之集成戚心動謹書其後以告世之君子或亦爲撫卷而三歎也庚寅嘉平月再望蒙叟瀟益書於絳雲餘廬



列朝詩集

甲集第十一

陶學士安

五十六首

汪忠勤廣洋

一百首

孫丹陽炎

八首

夏博士煜

三首

陶學士安

安字主敬太平人至正初中江淞鄉試下第授明道書院山長乙未太祖渡江首率父老奉迎敷陳大業力贊攻取留置幕府歷左司郎中出知黃州降桐城令移知饒州仍改知黃州國初置翰林院首召爲學士御製門帖賜之曰國朝謀略無雙士翰苑文章第一家洪武元年擢江西行中書省參知政事卒于官

送程子厚還新安

子厚精陰陽家嘗教授鈴山陰陽學調太平

於穆蒼靈運元化無始終垂象炳躡遠積閏成歲功茫茫萬古餘坐致理則同清臺窺玉管緹帷候律箭教筵分列郡設官倣儒宮新安萬山深閉戶象數攻青袍客江上賓友藹文風望氣登危城占星指遥空泉清壺漏滴表正陽晷中寒壇能慰藉杯酒聊自充風高白雲飛澄波送歸篷佳哉

泉石墟樹色環青
慈鳳鳳銜書來招邀游紫宮
掃清黃道塵
眺望扶桑紅

述寓

長明道書院作

夙志慕前矩
趣愧難續
昔曾賦歸云何效
奔逐慈親日向老
無以報
鞠育明經不取士
奉養心未足
携家客秦淮
蒼苔蔽荒屋
年豐公廩虛
半載不沾祿
妻子樂我貧
朝夕共饘粥
母心愛兩孫
每食分鼎肉
自憐頭上巾
興到無酒漉
怡然坐牕下
一笑對秋菊

秋風辭送梁生

涼風蕩平野
遠送賓鴻翔
蕭蕭西北來
艸木忽變黃
不惜艸木衰
寒入客子裳
曉窗凋髮影
夜堂搖燭光
值此素節宴
令人懷故鄉
援琴賦將歸
苦雨菊有芳
盼望掃積陰
下土見太陽
明當吹羽翰
高飛戾穹蒼

九日登高翠微亭分韻得滿字

山川甚雄麗
積雨爲磨澌
天開秋氣清
遊娛共蕭散
石徑接巉巖
興到行不懶
微霜護新晴
杲日送餘暉
層嶺臨高寒
境勝世所罕
蒼茫四無極
自恨目力短
危亭基薜蘿
殘麋鹿荒町
唾居然龍虎勢
城郭在平坦
崇阿乎離宮
老木蔭僧館
松雲引徐步
蘭露入清盥
况當重九節
野菊相留欸賓朋

笑語間文理謝雕篆好風襲尊俎幽鳥吟絲管人生光景速每恨樂事緩
嘉會幸一逢何辭累觴滿

癸卯閏三月十九日奉 旨代祠寶公遇環中子於山中送余出
寺余止之環中子曰不出圓悟關因續爲句

不出圓悟關已入清淨境長松閉虛巖圓坐弔孤影我行寶珠林聞君萬
緣屏意將叩玄奧未敢輒呼警童子倚馬睡侍卒息馳騁飛亭攬空翠木
末潮萬頃熒然忽我卽握手詒高嶺脫屣人世外豁若春夢醒霏霞棲沈
寥幽雲陰蒼冷萬葉發遠香半天覺清迴山水多勝事興到暫同領嘉君
匪逃儒默几聊習靜樓閣起太空先見常炯炯沸海指龍濤神光破冥滓
惜無浮生閑共此白晝永

夢覺

夢覺山雨來萬點擊虛瓦泠泠玉磬音嗷我羈枕下回颺撼松濤曲奏迭
高雅此身卧鈞天傲睨洞庭野造物憫孤寂作意爲幽寫殘夜破幽聞心
耳俱洒洒清吟荅洪調勿謂和者寡

秦友諒元帥邀飲

戎帥忽踵門拱手向我語兒從金陵來江船載酒脯請公飲一觴陪坐無
雜侶但有守鎮官新晴北灶黍老夫慨然諾策杖至其戶盤殮已羅列爵
行聞樂府不意寂寞濱乃有此樽俎郡民方凋瘵貧家受飢苦安得皆醉
飽豐年歡屢舞

書事三十韻

離家仲冬望泝江至鄂渚淒風裂重裘大雪慘行旅蹉跎歲華晏洲邊感
鵬鵠今年春二月璽書命守土兩旬抵黃州又值連月雨披襟古瓦塲誅
茅創解宇四招復業民瘡殘必摩撫事簡雖得暇懷國鬱心膈夢登閣道
上隔水不得語覺後山月西孤影在荒堵新晴雲霧捲南方早炎暑夏衣
家未寄晝汗生髀股對客捫蝨談癢多翻成苦上無絺綌賣間有乏資與
空存麻城名不見製白紵赤日爍閭閻片服多困屢一物差可意美竹產
村塢削皮爲枕簟纖巧類織組涼光泛琉璃病後難寢處此身不足惜所
願六事舉閔茲烽燹餘民命滿荆楚可怪近日來船兵忽暴禦快槩蹴洪
濤劫貨殺物主登岸拆郵亭伏莽襲商賈巴河遇三人投之急流去一人
浮水還赤體無寸縷疆域幸開闢道路仍齟齬偶逢使者歸封書聞政府

敢陳骨鯁言天高聽常俯踪跡懸幽遠庶效涓埃補

江色

竹屋晨啟開江色直飛入空碧壓几案陰陰四壁溼玻瓈作天地冷然手
可挹萬象隨升降元氣動呼吸臨岸步觀漲石堦沒千級岷巴與湘漢衆
水大會集合流東北去海水亦起立

當門小山

山脚踏牆頭全身盡呈露殆類知已人豁達吐心腑秀色排闥入意多默
無語晚來白霧起對面不得覩夜坐虛簷下惆悵失佳侶曉翠忽舒顏爲
爾早開戶

龜頭山

我聞龜頭山乃在麻城縣東離八十里高峻遠先見伸頓向南行欲橋仍
俯顧巨吻豁舒張穹脊坼絞現銳峰尾突揚垂隴足深淺戴石被介甲嘘
雲零雨霰彷彿洛書出崑元海鼇抃綿延地一舍巖嶮行不遍形貌肖龜
真活動生孽變不知在何時傳自舊俗諺竊食太倉米官耗歲常海糞田
東義州豐肥最淮甸天心惡饑暴猛風激飛電霹靂振頷下鑿去唇一片

地靈鎖跌爪骨灰永不轉至今涎沫凝石乳方氣扇文皇避暑亭過此暫
留戀試劒斬石裂馬跡尚可辯禪寺傍龜峰兵火燬樓殿羅漢遺蹤錦
綉生采絢虎跑清泉湧飛瀑日光炫燁碧千年松不盈一尺羨石面開小
蓮或白或如茜佳艸解百毒重樓裊金線二級四樓垂三級九絲練雌雄
駢發處羣艸停蔓延有蛇白花紋剛尾挿石健直立長丈餘吐氣毒熾煽
飛禽觸卽僵隨吸下供餽又有鼈皮蛇褊闊類街面尾尖首如狗吐絲艸
頭纏人行犯其絲遂啖恣所便曾遇五獵犬一犬被其嚙腹飽癡不動四
犬怒敲穿野人昇入市山海經未傳白艾最可妙土產入貢猷低葉拂婆
娑大葉展蔥蒨艸深妨長茂藎藎如治佃端午官採刈釀毒先祭壇精製
似純綿硝疾勝煎眩一炷火力透貫串速如箭屐具作璫褥裹膝瘳寒倦
僧名張化主靈響起塔院遂名佛道艾且可充贈餞此事得之誰羅判吏
陳憲

悼故妻俞氏

壬寅卒于黃州官舍

世治壽爲福唯恐不百年天下兵興時病中福亦全行年四十七伏枕竟
不痊非夭亦非壽正命賦自天夙昔性婉婉志操仍泠然父兄富田宅姑

妹豐貨錢嫁爲貧士妻殆類少君賢資送物固華滄素乃所便身不服錦
綉首不飾珠璣心不好服逸口不嗜肥鮮乃肅閭閻儀恥爲粉黛妍先母
未五旬性嚴常見憐緝麻躬機杼具膳進几筵燈下勤補紉宵晝不遑眠
簾空無私鏤有卽猷姑前勸我廣儒業日夕當乾乾居內理家務因得力
學專充貢赴南宮黜額辭幽燕傲作書院長金陵坐寒羶爲我奉母來承
顏意彌虔賓朋常滿堂酒食羅俎簋再調餘姚山孤踪涉長川在家能色
養母心免懸懸江南開大闢幕下叨備員石城奏雄捷銜命使淮埏風塵
寒道路百里如數千慈親念行子加食煖氣纏煖煖奉湯藥深夜更煮餐
心勞不可救慟絕鬱莫宣慎終禮必誠淺土封亦堅庶與良人埽中心無
悔愆移家指鳳臺華省初依蓮臨行輟膏沐其母問何緣再拜懇致請方
今烽火連郊野難安居願隨母同遷未能報劬勞不忍更棄指母意似未
俞挽之強登船其族後遭兵母獨遐筭綿送終畢大事篤孝情勤拳生長
兩男兒教以攻簡編怠逸必切責不爲私愛牽日用有節制時祀常潔蠲
忽我病二載將謂難久延何意壬寅冬瞋目在我先是時領公務夜宿郭
北田意若待我別氣息猶戀咽達旦望不來長逝魂翩翩日午及到家偃

卧面覆綿頭髮如漆黑容色清娟娟憑牀喚不醒揮淚深徹淵不得親永
訣衷腸疾如穿慘慘夜無寐鏡破安可圓輔髮衛輅車相送城南阡身雖
不及老生來少憂煎時危不識兵歲飢不斷烟禮義足自防又合七誠篇
有子俱在侍有孫可紹傳生順死亦安無憾入黃泉姑孰小佳山骸骨終
當旋同穴在異時述此垂曾玄

至正戊子下第南歸與同貢黃章仲珎雷燧景陽同舟仲珍賦詩
因走筆次韻

鳳城酒美燕姬歌禁花紅飄金水河雨香翠鳥春晝暖魚龍陸海揚風波
天門咫尺到不得奈此颺摧雲翼何時乎未至應有待壯年不必傷蹉跎
若看松柏成大材歷歲雪霜誰見過拂衣南出指歸路回首京闕山嵯峨
日高原頭紅霧散潮平沽口青銅磨牽船汴淮北吹逆登車避關飛塵多
黃樓憑河遠眺望身如冥鴻超網羅客塗笑語沈羈思詞鋒捷出如揮戈
天生人才必用世豈無文藻宜金科鸞臺鳳閣總華要不然玉署聯鳴珂
丈夫小挫未爲辱正氣耿耿非有它匣中古硯助神變銅蟾飽水手屢摩
隨身亦有勲業鏡依然照我顏色酡與君今日勳高興買酒共酌澆天和

五月旦日與黃仲珍雷景陽酌於維揚抵暮出城曉至瓜洲有懷
同貢金景蘭姚仲誠周于一林元凱相約不至更次韻爲別以
寄拳拳之餘意

蕩舟竹西聞好歌飄如仙槎泛銀河青樓傍市捲朱箔舞裙綠皺如春波
香消紅藥采鸞去其如青鏡寂寞何金盤露清筍牙白小住半日非蹉跎
雪乳泉甘醒午醉瓊花霧散與客過吹簫玉人杳然逝橋亭拂柳空栽栽
櫓聲帶晚出城去初月光吐新鎌磨梅天雨歇黃潦漲瓜洲渡近青山多
我懷初歸有翠士金姚學富精蒐羅閩南周林師友盛未見入室操吾戈
賦妙能追司馬聖策高反黜劉蕡科荆門有約久未至回聲不見玲瓏珂
黃君雷君吟嘯共瀟然行李餘無它客途分襟心暫苦詞場秉筆有還摩
江流如黛送孤棹離觴不辭顏易配佳哉璞玉當見遇肯使抱恨同小和
送僧芳蘭谷住持明招寺

幽蘭之生在深谷詎以無人而不芳鉢盂朝采墜露飲青蓮蔭葡萄停馨香
谷中空明若圓鏡須彌環海日月光傲睨天台高鬱蒼五百嶺衲岩穴藏
不乘留戀不歎鄉何緣比肩大法王後代演經談渺茫天花紛飛七寶床

遠窺正覺如望洋伊誰面壁文字忘獨棲金華山滿房定中跌坐歲月長
聲音色相等妄幻自謂學佛非荒唐冰壺石筍出雲漢飄然凌虛觀十方
龍蟠法界氣紫黃渡杯如甯江聲涼偶然乞得袈裟地已被東萊建道場
東萊先隴在武義非爲薦福生天堂正緣人家有興廢寺觀經久賴力強
金坊寶閣鐘鼓震馬巖宵使樵蘇傷我思儒門經濟業發育萬物隨翕張
存心養性禪所宗浩氣剛大仙揣量空玄衍說原有自勸人作善來自祥
雖云離倫絕世故恃此禮樂扶綱常何必火書廬其居然後鄒魯文教昌
東萊雲車自天降撫掌應笑吾言狂

自大關至小關

山徑多盤折無勞怨苦辛深岩不見日凍雪幾經旬衣薄肌生粟輪馳眼
翳塵想應慈母意日日望行人

送人赴幕職

浙西第一縣幕下總諸曹興遂雲山遠心忘案牘勞寫詩嘲月兔呼酒壁
霜螯應有安民策方知贊畫高

送人赴浙東

處儉愛蕭淡嗜經如糖甜香煤浮視沼短燭照書簾結岸漲春水鱗潮沃
夜蟾十年交誼厚兩地別懷添

病後

飲水味吾易秋江亦讓清寒初身欲贅病後髮重生乞米親書帖淹菹未
滿罌高天風露潔庭菊晚含英

秦淮寓舍

官久忘騎思門幽頗隱居犧圖天地象鮒壁帝王書秋徑霜前菊朝盤雨
後蔬西風吹短鬢歸夢鴈來初

晚晴

江上秋陰薄晚風生樹顛高塵捲蒼靄歸鳥度青天牧馬平蕪野捕魚斜
日船千村新稻熟茅屋起炊煙

自效

出入兵戎裏揮毫代執戈病餘身易老日短事偏多山月出青靄江風生
白波心專圖報效才薄愧蹉跎

聞上江消息二首

義旗西指鄂不戰沛仁恩拓地荆襄漢降王祖子孫米鹽通澤國圖籍會
轅門全據長江險京陵勢愈尊

歸義諸文武隨軍到里閭城池今異代妻子復同居全國兵家尚安民治
體初英雄平海宇仁厚是權輿

寄豐叔良二首

見說郊居好行吟野趣多溪魚罾上活山鳥酒邊歌雪屋炊紅米秋江老
翠蛾幾回時序換奈此別離何

阿咸九月到寄我尺書看盡日不釋手空江頻倚欄鄉山微雨外客夢一
窓寒遙想林泉勝無憂寢食安

寄錢彥良

離群憶鄉里知子屢艱難博士官三考空齋食一簞江風吹髣髴竹雪照
衣寒清氣相酬酢新詩正耐看

寄潘章甫

每懷文學掾絕類玉堂仙家有雙峰記書經五世傳風掃秋案燭露洗曉
池蓮古巷存廬舍無時不誦絃

次安慶

年餘罷爭戰地美類承平茅屋添新戶江流繞舊城關津避道問將帥出
郊迎天晚爐波濶催行月未明

泊巴河

蘭溪行過後迤邐到巴河江狹無磯險沙平有港多鄰舟同永夜漁火照
寒波獨惜年華晏其如道遠何

晚至武昌

行至二十日來臨鸚鵡洲環城屯虎旅伐鼓衛龍舟新月羞初夜寒雲黯
一樓波間燈影寒穩泊且無憂

黃岡寓所

霧雨一城暗梨花三月天空梁春蟻墮疎壁暮蚊穿州密藏枯井苔荒飢
斷磚開門山色好飛翠落吟箋

郡寓偶成

江月簫聲遠城春竹色斑天文鴈尾次地險虎頭關綰綬此爲郡結茅先
對山雨晴聞布穀鬪艸未能閑

雨過

雨過山添色推牕翠撲衣袂隨新水長蝶趁落花飛江近簷頭掛春從客裏歸沙乾聊可夢荷枝綠陰肥

追悶

數日情懷惡連宵風雨多憂來成展轉事至罷吟哦園樹肥椒子煙叢長薜蘿一春不對鏡正恐鬢絲皤

縱步

傍市人家聚瀕江艸迢迢燕尋曾到屋魚候未來潮訪友聊乘興扶筇直過橋晚峰煉外見重疊翠如澆

遣興

鵲立疎晨仗蜂喧聚晚衙寓居多澤水吾分合漁樵未病常儲藥無眠減啜茶從人笑潘岳垂老更栽花

湖鄉

肥水新無警湖鄉頗有年稻田驅夜豕蓮蕩捕秋編邏卒黃茅戍婦人白板船數家依綠樹斜日照炊煙

寄呈從兄松雲翁

別兄二載久介壽六旬餘清健如強日蕭閑守故居薄田供伏臘稚子業詩書小弟亦垂老還思到里閭

九月朔得阿晟所寄藥物

人自金陵至兒封藥物來家書千里達旅況一時開病想丹砂鼎綠慳玉露杯喜看菹醢列鄉味出瓶壘

九月七日雨

兩月清明久昨宵風雨聲寒催秋色老病怯袷衣輕故壘低雲黑荒衢濕蔓紫重陽時節近客裏助淒清

秋夜

青燈對無語白月透虛櫺乍冷壁蟲響向風山葉零更長無久睡意到索遺經心境有餘寂秋聲自厭聽

人生

人生在天地隨寓卽爲家着處燕營壘行踪鶴印沙征衫霑野露舊隱笑溪花還勝陽山令簞茅障海涯

夜永

山深無刻漏夜永不知更窓白只疑旦月斜猶未明離人江北住華髮枕間生孤館此懷寂斷鴻何處聲

雨館偶成

山中三日雨榻上一種寒野暝雲吞樹溪回雪舞湍孤飛迷白鳥數點淡蒼巒閉戶空林下蕭條意強寬

晚宿官段

村墅人新聚經營晚未閑魚梁箔如柵網戶屋依山鵝鴨喧籬落蒹葭蔽水灣舟中不堪卧借榻叩林關

泊松山湖

風逆湖波涌維舟傍淺沙松山雙石巘茅舍幾人家霜樹明丹葉寒蔬長綠芽客鄉今夜月伴我宿蘆花

次東無棣

土屋老荒苔豐年亦可哀塔簷飛十級城址擁孤臺雪積馳蹄陷雲輕鳥翅開縣庭貧少府舉酒更憐才

發松山湖

朝雨止還作征人去復留輕雲微放日近午始行舟雙島煙波繞重湖晝
夜流白鷗飛適意擾擾見渠流

聞除代者及召還之命

年殘動歸思客至報除書海內招文學淮南起謫居故人存有幾短髮病
來疎天朗朝陽出能無照曳裾

臘八日發桐城

邑人生悵快送別郭東門凍木知春早晴風捲霧昏石橋分古道野燒露
新痕行處山農說留聲到子孫

歲暮卽事

慙藉情懷臘酒香光陰背我去堂堂驛梅初破兩三蕊官曆惟餘五六行
斷送殘年多雨雪逢迎老境是星霜街衢擊鼓驅雛出却喜邦民共樂康

三湖

三澤茫茫一碧連白蘋風起棹歌傳樹頭煙浪浮沈日水底星河上下天
葦長新沙鷗鴈夢鄉殘箔溼蛟涎何當結屋瓊瑤窟買取臨隄二頃田

秋館書事

多年艸樹未芟除，野豕山獐走傍廬。
三五吏曹來捧牘，欹斜客枕罷觀書。
秋江潮湧霜飛晚，暮靄鴻征月上初。
木落風高生遠興，思歸意不在鱸魚。

贈朱允升先生

年年應召赴秦淮，此會留連百日偕。
王室大興新制作，客牕細話舊情懷。
未霜荷葉迎湖露，初月梅花映雪齋。
更爲相逢多勝事，御溝垂柳拂春街。

汪忠勤廣洋

廣洋字朝宗，高郵人。少從余闕學，善篆隸，大書工歌詩。游寓太平事太祖于帥府，出參軍事，參政行省召入爲中書左丞，封忠勤伯。非右丞相，取廣東行至太平，有詔追斬之。有鳳池吟，藻五百三十餘首。宋景濂序其詩以爲絕人之資，博極群籍，從征伐則震盪超越，在廊廟則莊雅尊嚴。王元美詩評曰：汪朝宗如胡琴羌管，雖非太常樂，琅琅有致。

明發

膏車待明發，逶迤上河梁。
親朋羅祖餞，冠蓋燦成章。
遲子良繾綣，都門猶在望。
條風被原隰，春日當載易。
鳴鳥餘好音，襍葩紛衆芳。
魴魚始登薦，百

酒屢充觴既醉復臚言欲去故徬徨維周仲山甫王命慎所將夙夜無有懈
庶幾終允臧斯言啟深省曷哉何日忘

壯遊奉簡諸閤老

壯遊吳楚外揚舲迴天風名山浮紫翠大江走蛟龍歷覽思超越毛骨生
冰雪脫中漉清漪舉手弄明月明月懸青銅古人難再逢牛渚委陳迹蛾
眉歛愁容九華無僂僂窺見滄溟底小孤立亭亭徘徊女蘿裏流宕鄱湖
濱密峰愈出奇幽深構樓閣峭絕掛猿獼放意恣陶寫援筆灑秋泚神怪
動竊冥魚鳥覺欣喜路逢丹丘生來自亦霞城麻姑後飛舄子晉迭吹笙
湖光瀲灩開雲壓蒲萄綠狂引黃金鼎嘯歌紫芝曲左蠡素相得當湖忽
見迎揚瀾平一掌中有鼉鼉行振衣扳鵲巢捫蘿踐苔石崖氣凌空青松
花墜階白舉首匡廬下調笑烟霞間屢會復屢往今往幾時還叢蘭被路
蹊芳艸縈澗谷長颺和鳴鶴逆泉驚飲鹿須臾面五老邀我山之陽授我
長生訣兼遺洞玄章問我從東來迢迢汎鯨波三山得無恙十洲近如何
旁招廣成子俯挹山中老鯉魚躍天江鵝鸞下天沼待以青精飯勺以白
玉漿垂龍左耳潤吠犬靈苗香渴鳥漸飲翼拭目增晚碧朵朵金芙蓉憑

盧落胸臆西南挺奇異江湖馳偉觀披披古蘭若丹堊耀噴吭嘗聞遠法師堅坐東林下還許陶淵明共結白蓮社又聞李太白酷愛香爐峰長安卸塵鞅欲歸巢雲松往事既云遠顧我復來此濯泉坐繁陰下洗巢由耳綠髮雙青童采芳畱我行我行欲不行月高猿夜聲西山招我遊明日過湖水笑隔南浦雲遙謝數君子

奉旨講賓之初筵

維周臨九有運祚何其昌本支既蕃衍道化亦流行粵若衛武公展也令譽彰耄年傲畏深罔敢貽怠荒反躬益淬礪托言敷雅章朝夕與相接寤寐耿弗忘爰思庸爲詩燕饗禮極明苟不究終始曷能苞抑揚時維肆筵日冠蓋來煌煌秩然賓主分蔚然鵷鳳翔俎豆陳左右肴核薦馨香旅酬倡謹虞八音迭鏗鏘惟云在和樂毋以踰大康請觀嘉會初靡不罄所饗史臣相我右監宮室我傍容止慎有節語言矜有常終希蹈禦燠勿爲深之涼所以古君子勉勉念自強迨茲禮物既寧莫懷所往三爵稍不識主賓實傍徨裁裁弁傾側僭僭舞趨踰喧笑四座起譁浪殊未央遽俾出童戔而爲中心傷所以古君子兢兢恒自將矧今創造始風雲運八方凡我

百執事豈不負責望般樂誠怠傲流連乃荒匹屏翰既有托敢居在不邊
至尊宵旰間文武翕弛張攬轡莫民庶駐車問賢良臣抽金石封取鑒法
股湯上以繼神聖下以息搶攘芟蕘亦何幸培植紆寵光焉知作者意諷
誅悉其詳據經掇訓詁庶幾於彷彿天容儼垂霽諸老賦頌印拜手稽首
書愚衷見毫芒彤庭扇微颺白楮浮清霜晴幌轉午影堯日正舒長

遡沙河

輕舟遡河流信宿忘少暇委蛇遵大堤荏苒歷初夏晴光汎流沫川漲益
湍瀉游子念遠行假寐待明夜方經錨渡灣條過鶴丘下嚶嚶山鳥鳴的
的水花謝愛此堤上柳緒風一披洒櫂師力張帆中流去如馬孤烟隔渚
生偶見捕魚者相顧不得言長歌恣陶寫

過宜興西畝

青青銅棺山麥秀盈町嚶輕颺連微瀾佳卉麗初煖層樓凝烟霏衆鳥雜
歌筦焉知於水長翻訝冬日短徘徊林樾間坐待月光滿

登忠勤樓聽久孚賀架閣彈琴

画棟栖朝霞層簷宿秋霧振衣坐前楹援琴寫中素幽泉鳴磻深落花蕩

春莫油然聞至音令人起遐慕

遠游陪師西征

朝發庾公樓

辛丑年秋九月

夕扣滕王閣

壬寅年春人豫章

長歌奮激烈清風蕩寥廓

張帆江水秋伐鼓關月落予亦將遠游明當造黃鶴

將伐湖廣故預期之

夜直與架閣藥秉德期孫伯融不至

覆立碧玉鉸對酌紫薇省長風吹翠梧初月下金井幽懷鬱未開短髮醉
慵整夜分群籟沉窓虛燭花冷

與樂鳳同使廣陵馬上口占

昔爲歌舞地今爲爭戰場與君騎瘦馬聯轡蹋斜陽荒艸侵合路苦蒿生
過牆遙憐鮑明遠詞賦最淒涼

擬銅雀伎

燕趙女如玉輕盈掌上身翠眉長不埽悵望西陵人酒闌歌舞罷臺榭坐
生塵怨入漳河水悠悠秋復春

班枝花曲

班枝花光燦燦照耀交州二三月交州人家花滿城滿城花開未抽葉

煌隔水散霞彩，羃歷綠空張。錦纈信非韓，郎丹染根恐。是杜宇啼成血，啼
成血著樹枝點綴穠芳也。自奇嶺南到處足種此嶺北居人稀見之穠芳
曉落花時雨，東家西家具鷄黍。當門笑拾瑪瑙鍾，持向城南踏春去。交州
地暖春歸早，一夕東風爲誰老。翠苞半拆漸吐綿雪花，填滿行人道。越娃
携筐爭采綿，采綿盈筐勝萬錢。搓就瓊簪膩如蠶絲，成水縷細如烟細如
烟千萬縷。綿綿到底知幾許的的燈煤夜結花，軋軋機聲暗相語。停梭掩
袂那得眠，吉貝相將下機杼。并刀裁剪秋江雲，與郎爲衣白且新。鄉社年
豐載春酒，郎試新衣賽海神。從今只種班枝樹，開花結子兩成趣。勸郎切
莫種垂楊，引惹長條繫愁緒。

寄孔博士

疇昔同趨名雞鳴，候啟扉聯章門下進。並馬月中歸掖樹，啼鳥早風花委
路微相望隔千里，目斷楚雲飛。

寄西掖諸友

玉簫吹鳳凰，閨月寫滄浪。故國幾時到，高樓今夜長。候蟲啼露壁，涼葉下
銀床。無限懷人意，裁詩遠寄將。

忠勤樓諸老夜直予時守省作詩二章寄之

西掖延秋爽高樓倚太清玉繩當座轉銀漢近人明上相思經濟諸公任
老成不知前席夜曾話及蒼生

太祖是時爲江南行省左丞相故有上相之稱

耿耿衆星白漫漫長夜寒萬方猶事武一榻豈容安零露沾琴席高梧下
井闌永懷何以託詩罷動猗蘭

和陶員外主敬韻

相國深圖治郎官早見親每膺前席夜曾屬後車塵種竹思儀鳳將書究
獲麟憂時生白髮迥比向來新

雪夜子敬寘酒有作

凍雪迷山屐寒風襲毳袍干戈猶未弭戎幙敢辭勞大字傳飛檄深杯送
濁醪老懷殊自喜早晚問包茅

月夜

休撥紫檀槽且傾黃濁醪涼天兼得月我輩復持螯彭蠡一杯大匡廬半
壁高竹林瀟洒地應有醉山濤

送院判俞子茂進兵番陽

江東原日晴把酒送君行好慰三千士將收七十城烟花催疊鼓雲騎擁
連營山越人爭喜殊方自此清

九日

長劔客千里一杯歌七哀晚節忽已至秋芳殊未開平沙誰戲馬落日自
登臺西北天垂遠滄江聞鴈來

露坐

愁極覺宵永坐深知露涼遣時聊命酒愛月屢移床北斗回杓近高城下
漏長愧非疏附者撫事卽蒼涼

嶺南道中

過盡梅閑路灘行喜順流潞江元到海橫石不容輟嶺樹垂紅果汀沙聚
白鷗從來交廣地還是古揚州

望嘉祥山

放溜數百里悠然纔見山涼風吹雨過好鳥背人還河水翻銀浪岡巒擁
翠鬟不知幽谷底能得幾家閒

晚晴江上

江水鴨頭綠楚山螺髻青鷓鴣啼不盡花發樹冥冥微風汎蘭槩落日過松亭勝境思彌愜漁歌隨處聽

寄陳僉事

露白團秋艸天涼悲晚蛩懷人當永夜看月上疎桐邊堠烽傳息畚田歲喜豐了知巡歷罷雙旆引歸驄

月夜登豫章南樓

酷熱不可敵起登江上樓焚香就華月援琴彈素秋高梧宿鳥下芳蕙夕螢流覽物感時序清笳發瞑愁

寄崔元初

晴軒種竹罷好月到窗時坐我長松下歌君流水詩暮日歸野雀清雨落山葵偶遇南來使殷勤寄所思

別劉希敬

與君同理揚州棹卧看長天入翠微何事杜陵傷遠別不如范蠡賦東歸春風小店梨花發宿雨疎林燕子飛惆悵臨溪一杯酒鑒江江上日暉暉

廣陵懷舊

官柳陰陰鎖汴橋暖催晴綠上蘭橈花迎后土依然在人去東風不可招
紫陌漸稀春試馬青樓殊絕夜吹簫回看烽火連雲起應使江淹嘆寂寥

過胥江寄鄭久誠參政

浦口潮來穩繫船汀花如雪艸如烟幾家茅屋臨江水一路松風響杜鵑
簾捲輕寒中酒日香焚新露熟梅天少陵心事孰人識頭白相知有鄭虔

贛上

雨江流出萬山溪雲霧蒸蒸動鼓鼙沙暖迴回鴻鴈到艸青偏有鷓鴣啼
霜餘榕葉凋何晚雪裡梅花綻已齊物候固殊聲教遠會詢蠻獠及雕題

贈孫炎

建業孫公子文如李謫仙江頭看明月醉枕酒鉶眠

過吳城山

夜過吳城下不眠閒倚窗迴流雙櫓健搖月下西江

江上

昔從江上去今從江上還家僮笑相語又過小孤山

難行五首

花底駐鳴鞭曉行灘上船上流風較穩百丈不須牽
上峽灘水急下峽灘水青隣船夜相語兩日到嚴陵
聞道沙溪酒春來如蜜香買將千百斛取醉到東陽
灘上水平沙梭舟蕩落花吳儂不相識對面浣春紗
三百六十灘相逢相見灣舟師憐遠客數問幾時還

登蔣山望江亭

絕頂出華構有時來一登曾將六朝事閒問百年僧

画虎

虎爲百獸尊罔敢觸其怒惟有父子情臨行更相顧

夕景

水樹和烟生人家傍沙語孤帆何處來驚鳧去如雨

過叢山関觀孫炎題壁

空翠深深啼竹雞叢山塞口日沉西數行大字光如漆知是孫炎醉後

題

汪口渡捕魚者

芳艸渡頭歌竹枝晴天小艇放鷗鷖比鄰爲報春醪熟自起持魚貫柳絲

蘇溪亭

蘇溪亭上艸漫漫誰倚東風十二闌燕子不歸春事晚一江烟雨杏花寒

臨溪橋

石磴盤盤卧濕雲山深瑤艸不知春馬頭忽見梅如雪縱有輕寒不着人

題宋徽雙鴛圖

蘆葉青青水滿塢文鴛晴卧落花香不因羌筦驚飛起三十六宮春夢長

毗陵道中

凍合官橋雪作沙落殘楓葉見梅花短籬破屋臨流水狼藉毗陵賣酒家

江上六首

渚磯口闊浪如山官船客船前後灣明日天晴大家喜着我鼓棹中流還
大姑廟前花艸香女兒港口江水長江水江花思無限目斷鞋山又夕陽
英英白雲多在山媿我幾曾如此閒賴江東下數千里祇許挈舟十日還
蛾眉今日爲君開一色青天絕點埃浩想昔年經濟事赤龍風雨過江來
大山小山松樹齊千聲萬聲子規啼攬衣起舞夕露下三更月落吳城西
象牙灘上百花開參差時復見樓臺翠香芹菜綠沙出雪色鱗魚上水來

寫興

謝豹花開滿嶺紅空濛曉雨濕春萊看山不盡行人意處處東風啼郭公

江上五首戊申夏奉召回京

歸路貪行不覺多館夫連日棹江波滿船爭唱湖州調兩岸雲山側枕過
小姑南岸對彭郎天勞雲厓峙兩傍日暮驚濤沒沙尾江流較比去年強
吉陽洲裏採魚舟採得鮮魚爲日謀偶見官船忽撐去却如鳬鴨不回頭
順風全不廢簾牽把拖松江穩放船指點大龍山色近皖城只在水雲邊
櫂歌齊發浪聲喧池口東邊又換船林酒發醅偏醉客鱗魚出網不論錢
朱伯徽自溪南携酒至婺源山中兼示垂絲海棠醉中求賦七言

一自朝雲委路岐春風吹夢託游絲
內家叢裏分明見彷彿盤旋立舞時
東家蝴蝶愛悠揚不肯輕飛過短牆
賸買麝煤千百斛暖熏濃抹到沈香
舞罷霓裳不耐嬌口脂微動酒初潮
玉闌西畔春如海擬倩東風送翠輶
夜泊揚子橋

揚子橋頭夜泊船水波纔定月初圓
不眠細數經行日笑隔東風又一年
使關中經過鴻溝在汜水縣西

一雙秋水佩吳鉤百二山河屬壯游
往事銷沉遺跡在斷鞭斜日過鴻溝
寶雞縣

渭河霜滿水如苔一縣人家半艸萊
唯有秋風酸棗木淡烟深鎖鬪雞臺
登胥江驛亭

小閣閒簾望遠岑煖風晴日囀幽禽
胥江流水清無底較比春愁一樣深
嶺南雜錄十首

一劍南來兩髩星肩輿隨處看丹青
豈知庾嶺梅邊客却上交州海角亭
島嶼潮來日欲曛聲牙蠻蛋動成群
羣舟盡入沙灣泊爲避犁頭海上雲
浮濱朝夕易炎涼溼氣蒸人沁薄裳
昨日崖州有船到滿城爭買白棋榔

石鼎微熏茉莉香，柳瓢滿貯荔枝漿。木綿花落南風起，五月交州海氣涼。
牂牁流水碧潏潏，潮落潮生艸木閑。一片海雲吹不起，越人遙指是匡山。
鴈翅城東湧怒濤，外洋水長蛋船高。莫言昨夜南風急，今日登盤有海蛟。
吉貝衣單木屐輕，晚涼門外蹋新晴。相逢故舊無多語，解說邊疆骨董羹。
倔強憑陵距海垠，半爲魚鼈半爲塵。只今編戶聞聲教，遺類何由辨馬人。
誰跨鯨鯢斬斷虹，海波飛立瘴雲空。閭婆真蠟船收澳，知是來朝起颶風。
斷虹見乃颶風之兆。

番禺南望渺烟波，怪底魚龍出沒多。頃刻風霆飛白晝，黑雲拖雨過牂牁。
榕樹陰陰集暮鴉，竹深人靜似仙家。芭蕉小院垂雙實，茉莉南州壓萬花。
蠻落人家獸食魚，兒孫生長不知書。枕椰滿種綠山邏，翡翠新收越海墟。
登南海驛樓

海氣空濛日夜浮，山城纔雨便成秋。馮唐頭白懷多感，倚遍天南百尺樓。
清遠峽

山酒吹香綠滿瓢，轉回隨峽放蘭橈。年來不柰愁成緒，都與春風付柳條。

涼州曲

琵琶初調古涼州萬壑風泉指下流好是貞元無事日玉宸宮裏按新秋

淳安棹歌

淳安縣前江水平越女唱歌蘭葉青山禽只管喚春雨不道愁人不顧聽
過清江縣

官樹冥冥啼早鶯雨晴山縣蹋春沙誰家故宅無煙火一葉松扉鎖落花
東吳棹歌三首

太湖茫茫水拍天吳儂只慣夜行船竹枝歌罷燈將滅風雨瀟瀟人未眠
艇子搖風過太湖水雲行盡是東吳阿誰坐理青絲網得松江巨口鱸
玻璃冷浸洞庭山雪竹攢青竹柚斑白髮吳娃笑相語官船不似釣船閑
蘭溪棹歌三首

涼月如眉挂柳灣越中山色鏡中看蘭溪三日桃花雨夜半鯉魚來上灘
野鳥晴鳴浪梯平越上人家住近城簷葉裹魚來換米松舟一個似梭輕
棹郎歌到竹枝詞一寸心腸一寸絲莫倚官船聽此曲白沙洲畔月明時
孫丹陽炎

炎字伯融句容人高帝下金陵辟行省掾以省都事總制處州壬寅

月苗將叛被禽罵賊死追封丹陽縣男伯融長六尺餘面黑如鐵一足偏跛長于歌詩至正中天台丁復同郡夏煜皆以詩名日夜相切劘下筆快掃百紙可立盡常與煜對飲賦詩務出奇相勝每得一雋語搥案大呼譁聲撼四鄰在處時以上命招致劉誠意劉堅不肯出以寶劍遺伯融伯融作詩以爲劍當獻天子人臣不敢私封還之劉無以荅乃逡巡就見今其詩具集中

寶劍歌

寶劍光耿耿佩之可以當一龍只是陰山太古雪爲誰結此青芙蓉明珠爲寶錦爲帶三尺枯蛟出水海自從虎革戛干戈飛入芒屨育光彩青田劉郎漢諸孫傳家惟有此物存匣中千年睡不醒白帝血染桃花痕山童神全眼如日時見蜿蜒走虛室我逢龍精不敢彈正氣直貫青天寒還君持之獻明主若歲大旱爲霖雨

題溪圖送憲使黃繼先

君乘馬望君來枯蒼下君乘舟望君來好溪頭好溪水生玳瑁魚好溪水生明月珠好溪水生青珊瑚使君來此月再樞惟飲此水無一需使君之

清水不如臨別贈君青絲轡隨君馬頭行萬里相思之心有如水

龍灣城

龍灣城壯如鐵城下是長江城頭有明月月色照人心不移江水長流無盡時

迎日詞

鳳炙兮麟脯瑶席兮桂俎樂萬舞兮如雲吹笙竽兮龍二女子子子載以輿六蒼虹歷天衢雲霏霏兮夜未艾執長轡兮久相待

奉使還途中聞東征捷音

南來萬馬淨邊塵銜璧歸朝盡大臣城上玉繩浮婺女帳前銀甲擁天人出師已畧扶桑國奉使須通新木津遂有江黃幕中夏可無書檄諭全閩

贈黃鍊師

留侯弟子有初平九歲從師住玉京天與敷書背鳥迹家傳一劍是龍精瑤池桃子無消息海水桑田又淺清我爲紫芝歌一曲夜深相荅洞簫聲

宛轉詞

流黃機響春閨織成幼時華綵衣玉爲容水爲瞳二十嫁與梁家鴻妾鼓

瑟郎鼓琴海枯石爛同一心雲母屏夜向冥郎是明月妾是星鞭珊瑚障
流蘇郎騎高馬妾坐車女蘿枝延兔絲綿纏到老郎自知徑寸珠水中居
團圓到老妾不如

題縉雲少微山次周伯溫韻

少微方丈擬王宮詩版流光射碧空處士大星能比月詞臣異代亦同風
壇邊樹老爲龍去井底丹砂與海通飲水也能生羽翼骨青髓綠髮如葱

夏博士煜

煜字允中金陵人元季丁復仲容以詩名煜爲入室弟子丙申太祖下
金陵辟爲行省博士戊戌調浙東分省太祖西伐友諒僞臣惟鑑基與
煜二三人侍左右番陽之戰命煜等艸檄賦詩揚旗伐鼓檣浮中流天威
震動友諒窮蹙走死國初事蹟云夏煜犯法取到湖廣投于江俞本記事
錄云至正二十三年十二月夏允中家人販鹽敵境捉至軍前置黃鶴樓
下大浪中三日而死余攷陶主敬集有洪武元年送夏允中總制浙東兼
巡撫之詩允中讀宋太史潛溪集詩云景濂其字大夫爵宋以洪武二年
六月總修元史始得階亞中大夫則洪武元二允中尚在安得云癸卯歲

沈于楚江也姑闕疑以俟博考

哀孫炎

垂老戎馬間相知復何有幼與孫炎交于今俱白首炎也雅好詩落魄惟耽酒醉中有神助不放持杯手才豪不受羈焉肯事田畝精勤脫穎出盤錯迎刃剖浪迹帝王州結交英俠藪咄咄朝陽桐濯濯新春柳南北瞻兵塵妖星下天狗我皇入金陵一見顏色厚高談天下計響若洪鍾叩卽拜丞相掾奉身事明后再分太守符兼綰都官綬枯蒼實重地豺虎白日吼皇曰汝孫炎其往總制某再拜謝不敏寵命敢虛受一年風俗淳二年民物阜三年遠人歸上表請官守文章曹劉亞政事龔黃右舊歲過金華與炎適相偶寒燈夜半花春盤雪中韭終宴竟忘疲落月斜半窗臨別各上馬攬轡復立久爲言有小女離家方朞負今來已五周見父能認否未必到家期封書附姑舅置書篋笥間纔隔二月後墨色尚未乾語音猶在口胡爲肉變生失我平生友復恐是夢中仰天當戶牖斗柄昏建辰月魄夕在酉乃知真歟矣慟哭吞聲嘔後聞遇害時扞刀落雙肘奮怒髮衝冠大罵血漂曰維時東南天彗出芒如帚淫淫苦雨愁燁燁驚電走魂兮早歸

來空山不可徂我過孰與規我病誰云灸春酒醺薔薇莫子墳山在東京
七葉貂零落成艸莽既有千載名焉用百年壽峨峨馮公巖與子同不朽

康郎山奉旨

三軍戰罷日重輪好雨東來爲洗塵絕壁秋聲清漱玉白沙月色爛堆銀
氣成龍虎知王者兆應熊羆得老臣半夜內官催艸檄燭花影裏繡衣新

讀宋太史潛溪集

混沌初判太素斷挺生神人斷鰲膊剖軋割坤奠海嶽厥俗鴻荒人未覺
帝命圖書出河洛奇耦生画參伍錯煥乎斯文此其璞二三啟運乘飛躍
典謨訓誥雅頌作黍離以降周室削天將尼父爲木鐸乃芟詩書定禮樂
乃作春秋明善惡吧羅萬象歸一勺放彌六合卷諸橐七十二子相唯諾
才出中州氣渾朴及漢史記變矩矱西京雄健東差弱建安馬上詩橫朔
其音稍振氣已馭晉更六代轉銷鑠唐包九有復充斥至宋諸子雄相換
廬陵崛起超卓躒道州獨立承絕學後出新安最宏博有元將相皆沙漠
往往南士登館閣從此斗牛氣磅礴乃挺奇才海東角蚤年脫穎何落魄
貫穿經史探韜略出入佛老搜冥漠鯨跳鰲抃闢蛟鱷不持寸鐵徒手縛

大昭射日孰能曠長劔倚天誰敢斫是乃浩然之氣擴簸弄元化華在握
星辰迸空如石落剛風立海大雨雹湧湍疊躍濤怒搏百怪倏忽光揮霍
矯若魚龍舞灑灑蔚若虎豹跳峯寧飄若孤飛駕黃鶴勁若百鷲出玄鶚
錡鏗大音振咸濩赫奕雄芒射十鎭迫而察之吁可愕注如懸河思不涸
大田五穀當秋穫武庫衆寶開晨鑰左右而取非外擢遂造平坦鏗曉曉
淙淙安流宗大壑上尊玄酒殊澹泊東序天球匪雕琢自然光燄發葩萼
我時訪君卽命酌春風蒲萄釀酥酪雪夜置餼擁麗勝招月與友相酬酢
月人尊中明可捉漱嚙醲郁棄糟粕此時豪縱脫矜繳吐奇快怪安可約
有烏如火天井絡掃除旬始銷格澤金匱刮目割翳膜郢斤斷鼻車漫聖
妙處神會不可度而我旁觀駭且作如過仙人授金藥一食生羽脫塵殼
願爲弟子請許著先生忘言只大噓余亦歛衽逡巡却如此筆力扛鼎鏖
不遇明主將焉泊聘以束帛加雙珥幅中大布起林薄奏賦上林從楊柞
豈比執戟甘寂寞天王手按龍泉鏐大振天聲重開拓勢若新篁解春籜
用爾圖像爲丹牋用爾作樂爲簫箏銘功頌德軒轅郭日光月潔江漢濯
前驅班馬鞭六駮後駕歐蘇驂兩駱千載而下死如昨碌碌餘子徒離齷

傑哉先生果何若微子之裔散人託景濂其字大夫爵我作狂歌非用謹
授以木瓜報芍藥

列朝詩集

甲集第十一終

列朝詩集

甲集第十一

陶學士安 二首

即景

離離木似人，睡波面小船。如鴨浮何況，潯陽尤在上。兩湖飲不過，舒州白沙如雪撒。平地黑樹帶烟明，遠鷗片沒江低人。去連山頭一尺走，隨舟

汪忠勤廣洋 二首

竹枝詞

三百六十灘，水清桃花春浪近。來生催歸不待臨，岐語夜夜子規啼到明。

哀蛩吟

西風院落無人語，白露冷冷滴秋宇。仰見月明河漢高，咿軋哀蛩弄機杼。咿軋咿軋機杼鳴，精窗飛度玉梭輕。同聲合奏思無限，萬緒千端織不成。芳蘭夕氣浮金井，寶鴨沉烟翠衿冷。蕩子從軍去不歸，妾身抱恨愁孤影。此時此夜聞此聲，更長夢短難為情。銀缸暗擊玉釵碎，錦瑟斜移金雁橫。金雁斜橫飛不起，漫索餘音滿人耳。梨雲化作陽臺夢，家書望絕湘江鯉。

湘江水流東復深
子不墜芳妻心
故將鮫人萬斛淚
寫入哀歌寫古今

列朝詩集

甲集第十一

胡縉雲深

深字仲淵龍泉人元末爲石抹宜孫參謀內附後擢中書省左司員外郎除王府參軍總制處州等翼會朱亮祖攻建寧馬賊被執死之進封縉雲郡伯

題通易之還京詩後

憶陪仙杖度關時王氣星聯紫翠圍今日讀君天上曲依然環珮月中歸
章中丞溫

溫字三益龍泉人至正中結廬于邑之匡山有看松庵苦齋宋濂劉基爲記嘗以元節屬于斯詩等盜有功不受官國初受聘而起歷官御史臺左中丞以父母悲痛而卒

爲胡仲深詠桃花馬

胡仲深求馬曰桃花章三益有詩詠之仲深征陳有定遇害其馬馳歸門外悲嘶殞絕夫人義之葬于龍泉縣大沙渡東北三里號曰白馬墓

硃砂染髭色重墜勾引春風上背來慎勿解鞍橋下浴恐隨流水入空江